


524.

7-18



dd

dd

Michael Mexelburg.

M. IX. 78.

De
de
leg

THERIACA.

Ad Mentem Andromachi Senioris
Consensu Facultatis Medicæ

in quadruplo confecta

à

DN. SAMUELE SCHREIBERO
Pharmacopæo Senatorio
Löbnicensi.




REGIOMONTI,
Typis JOHANNIS REUSNERI,
ANNO M. DC. XLII.

THERIACA

Ab Medicis Andronachi Senioris
Contenta Facultatis Medicæ

in quadruplo confecta

4
DNI SAMUELE SCHREIBERO
Pharmacopæo Senatore
Lobnicensi



REGIOMONTI
Typis Johannis Reusneri
ANNO M. DC. XLII



R. Troch. Scillitic. lb. ij.
de Vipera.

Piper Long.

Opy.

Magmat. Hedychroi an. lb. j.

Rosar. rub.

Irid. Illyricæ.

Succ. Glycyrrhizæ.

Sem. Buniad. dulc.

Comar. Scordy Cret. & Nostr.

pro Opobalsamo Ol. Nuc. Moschat.

Balsam. Indic. & Ol. Juniperi.

Cinamomi.

Agarici trochiscat an. unc. vj.

Myrrhæ.

Costi Odorati & Zedoariæ.

Croci Oriental.

Cass. Lign. ver.

Nard

Nardi indic :
Schænanth : cum floribus.
Thuris Masculi.
Piper. Nigr. R. Troch. Scilicet. lb. ij.
Alb : de Vipera.
Fol. Dictamni Cret : cum Lanug :
& floribus.
Comar : Marruby.
Rhabarbar : Elect :
Stæchad : Arab :
Sem : Petroselini Macedon : ver :
Calamenth : Montan :
Therebinth : Cypriæ
Zinziber : Alb :
Rad : Pentaphyll. an : unc. iij.
Poly Cret :
Chamæpityos
Gran : Styrac : Calamit :
Meu & Rad : Angelic : ver :
Amomi ver :
Nard : Celtic :
Nard

Terræ

Terræ Lemniæ ver: & Sigillat:

Strig: ver:

Phu Pontici.

Chamædryos.

Foly vel Macis & Chariophyll an.

p æq:

Chalcitidis Tostæ & Spir. Vitriol:

Rad: Gentianæ

Sem: Anisi:

Hypocystidis.

Carpobalsam: cum Cubeb: & Grar:

Juniperi.

Gum: Arabic: Splendidi.

Sem: fæniculi Cret: & Nostr:

Cardamom: Min:

Sem: Seseleos.

Succ. Acaciæ ver:

Thlaspios.

Comar: Hyperic:

Ammeos.

Calam:

Calam. Aromat. ver. in Cann. & Nostr.
Sagapeni in Gran. an. unc. ij
Castorei.

Aristoloch. Long.

Semin. Dauci Cret.

Bitum Judaici.

Opopanac. in Gran.

Fl. Centaurei Min.

Galbani an. unc. j.

Mellis despumat. lb. ʒ. unc. IX.

Vini Hyspan. Sectr. q. s.

Conficiatur secundum Artem.

Trochisci Hedychroi.

R. Mari.

Afari.

Amaraci.

Aspalathi. an. unc. ʒ.

Schænanth. cum floribus.

Calam. Odorat. ver.

Phu Pontici.

Xylobalsami cum Lign Gran. &

Gum. Juniperi.

Opobalsami & Ol. Charyophyl. &

Ol. Nuc. Moschat.

Cinamomi.

Costi ver. an. drach. vj.

Myrrhæ.

Foly.

Nard. Ind.

Croci.

Cass. Lign. an. unc. jʒ.

Amo-

Amomi unc. iij.

Mastiches in Gran. drach. ij.

Fiant Trochisci qui in umbra exiccati
Oleo Chariophyl. inungantur.



Amo-

L.

IN NOMINE SACROSANCTÆ
TRINITATIS
PROLOQVIUM.



Vo major hostium est furor, & imminens ab iis vitæ periculum, eò accuratiore in procurandis armis solertia opus erit. Insidiantur corpori nostro, aliàs fragili, infinita, eaq; atrocissima morborum genera, de medijs iis resistentibus cur non cogitandum? Desudavit in eo Veneranda Antiquitas, & nil, quod ad oppugnandas sanitatis hostes, immò ad muniendum corporis nostri arcem facere videbatur, intermisit. Primitùs quidem simplicibus, utpote Naturæ nostræ convenientioribus remedijs, acquiescebat; Cum verò prægnantes Causæ etiam Composita expeterent, singulari studio, arte & ratione talia excogitarunt, quæ non sine fructu, prosperoq; ægorum usurpari possent. Causæ autem illæ ad tria imprimis Capita referri possunt: Primum respicit Morborum, Causarum, Symptomatumq; rationem, prout enim hæc vel diversimodè complicata, vel in distinctis partibus subsistentia conspiciuntur, ita etiam medicamentorum desiderant compositionem, quam simplicior Morbus aut causa negligit. Deinde ægri ipsius, affectæq; partis Natura & Conditio in simplici aliquo

A

2.

aliquo vix acquiescebat. Tertio, ipsum Medicamentum Simplex multis de causis aliorum effragitabat admisionem: aut enim vix sufficiebat affectui etiam simplici, aut virtutem obtinebat, modo vehementiorem, ab alio refrenandam; aut mitiorem, ab alio excitandam exaltandamq;, aut vehiculum aliquod, quod facultas ejus ad partem affectam deferri posset, exoptabat; aut Saporem, Odore, Colore, imò consistentiâ ipsâ minus acceptum erat, correctioneq; egebat; aut deniq; sui conservationem vel adversus corruptionem, vel virtutis exhalationem alterius alicujus ope, anxie querebat: de quibus plura vide apud Galen. l. 1. de compos. med. s. l. c. 3. Bauhin. de remediis form. c. 11, Dispensat. Functor. in prefat. Senn. l. 5. Instit. c. 1. Inter alia verò infinita Composita primæ optimo jure THERIACÆ debentur, tum ob singulare Compositionis artificium; tum ob insignes & nunquam satis deprædicandas operationes. Unde & peculiarem merito meretur considerationem, exactamq; omnium ingredientium investigationem, quod cognoscatur, quantum Agyrtarum & Circumforaneorû Theriaca, quæ sesquipedalibus & Thraisonicis elogiis extollitur, & vix umbrâ veræ obtinet, differat ab illa, quæ ad mentem Andromachi facta, & eadem ingredientia, & eundem agnoscit compositionis modum. Quod verò hæc feliciter expediantur, quatuor id sectionibus expeditum dabo. quarum prima generalia quædam, Lauream. Nomen & Causas Theriacæ explicantia, præmittet, Materia altera in specie examen, tertia Compositionis actum, quarta deniq; specialem ejusdem Usus subjunget.

O Jesu annue laboribus meis!

SECTIO

SECTIO PRIMA
De
THERIACA IN GENERE.

Lauream, Nomen & Causas ejus
explicans.

APHOR. I.

LAUREA THERIACÆ tribus
absolvitur, Dignitate, Utilitate & Necessitate.

*Jucunditatem forsã urges: Verùm gratis venamur
eam, ubi de salute vitæ nostra agitur. Pestis sanè, si non
tàm, quid conducatur, quàm quid placeat, attendatur, Sua-
visissima quidem, ne perterrita Natura ingratorum exhor-
rescat insuavitatem, propinanda; at cautè, ne dum Ori
satisfacere laboramus, ferale quid ipsi Vitæ inferamus. De-
lectant non rarò amara fastidiumq; pariunt dulcia nonnul-
lis. Urgentius itaq; attendendum, ut internam potius, quæ
Toti, quam Externam, quæ Palato grata, spectemus ju-
cunditatem.*

II.

DIGNITAS ex Antiquitate, Magna-
tumq; perennanti applausu, nec non unanimi
Medicorum clarissimorum illâ utentium con-
sensu æstimatur.

*Bellum Medicina inferre videntur, qui repudiatis Ve-
terum inventis, nil nisi novum quid evomunt. At ut non
rarò novorum Principiorum introductione, non tàm expli-*

4.
cantur, quàm implicantur omnia; ita & noviter excogitatorum remediorum usu saepe plus detrimenti, quàm commodi agrotis exoritur. Nam nova prater rationem comminisci & à Veterum doctrina recedere & temerariam, & in faciendo periculosum statuebat Hippocrat. Imò in periculoso affectu certis medicamentis relictis curiosa Experientia causâ agroti salutem prodere, grave & iniquum videtur Galeno I. de compos. medicam. sec. gener. c. 16. pervolve & ea, quæ tradis Forest. obs. 76. de Cerebri morb. l. 10. in Schol. Arrideant itaq; nobis antiqua sano & prudenti consilio concinnata, salutariq; usu comprobata, quorum classi Theriacam Andromachi annumeramus, quæ præ infinitis aliis Antiquitate gaudet. Infantia ejus, seu prima origo debetur Mithridati Regi Ponti & Bithynia, qui anno ante Christum natum (circiter) septuagesimo vixit: Perfectio verò ejusdem sub Nerone Imperatore, anno post Christum natum, quinquagesimo septimo subsequuta est. Ab hisce temporibus sesqui Chiliadas annorum superantibus, continuâ temporum serie viguit, & usurpata fuit. Ut enim & alia plurima antehac inventâ, adhuc dum reperiantur, tamen in Chartis tantum, non Officinarum thecis, unde & usus eorundem exolevit. Adauget hanc Nobilitatis dignitatem constans Magnatum favor. Ut enim olim Mithridates suo à se confecto Mithridatio, sibi subditisq; suis feliciter consulebat, ita ex eodem quasi nascâ Theriacâ subsequentes Imperatores sibi suisq; prodesse studebant: Non exiguam quippe imperandi partem arbitrabantur, communis salutis procurationem: si itaq; quispiam amicorû vel Civium Antidoto hac egebat, magnâ promptitudine, animiq; maximâ propensione ipsam communicabant, referente Galeno ad Pison. c. 2. Ipse Imperator Marcus Antoninus singulis diebus, quasi delicato quodam cibo eânte-

§.
eā utebatur, à quo & autoritas medicamenti amplior cre-
vit, cum ejus efficacia latius inter homines divulgaretur,
siquidem cū Imperator vitam sanam traduceret, utilita-
tis fidem Antidotus hac majorem obtinebat, teste eodem.
Hinc in hac usq; tempora nemo Magnatum ei repudium
dare ausus, sed hoc potius egerunt, ut eandem dextrè & le-
gitimè paratam, semper ad manus haberent: unde & non
indifferenter quibusvis eam conficiendam dabant artifi-
bus, aut seplastiariis, sed Medicis tantum Imperatoriis, aut
aliis singulari Privilegio ea de causa donatis; nam ut di-
gnotio omnium ingredientium expertum & prudentem re-
quirebat Medicum, ita & conquisitio eorundem eximios la-
bores, sumtus & difficultates. Accedit & non parum lu-
minis huic dignitati, ob præstantissimorum, Theriacam u-
surpantium Naturaconultorum assensum; licet enim sint,
queis non nisi propria sputa arrident, quiq; alia in Androma-
cheæ compositionis locum substituere moliantur, tamen &
proprias suas confectiões, Antidota, & similia eadem ex-
ornare coguntur: imò ob singularem, quam tanto tempo-
ris spatio exhibuit utilitatem, ab ejusdem usu recedere haut
possunt. Saniores verò tanta dignitatis eandem estimant,
ut & Regiam medicamentorum eam proclamare haut e-
rubuerint, & adversus plurimos morbos vel quotidie ean-
dem usurparint, & adhuc dum usurpent.

III.

UTILITATEM salutaris ejus com-
mendat usus, quem in præcavendis & curan-
dis, tam internis quàm externis, sive à mali-
gna, sive à benigniore causa provenientius

6.
morbis præstat, & omni ferè *Ætati*, & *sexui*
suam operam navat.

*Minus commodè valere. non vivere est, sed torque-
ri; nam vita Galeno censetur non vivere, sed bene vale-
re. Valetudinem itaq; optimè procurabit id, quod & im-
minentium hostium ferociam avertere, presentemq; morbi
molestiam evertere valet. Utrumq; à Theriaca expectan-
dum. Cum enim Balsamum nostrum radicale maximè re-
spiciat, corpus nostrum adversus infinitos infirmitatum in-
sultus ita munit, ut nec venenata pocula propinata homini
quicquam nocere possint. Quod si verò labem aliquam
jam contraxit, ei omnibus nervis sese opponit, pristinoq; ni-
tori & robori eundem restituet. sat agi. Oppugnat sanè
morbos ex quacunq; causa generatos: Aperto Marte cum
manifestarum Qualitatum affectibus confligit; qui verò
oculis & malignis viribus nos adoriuntur, occultam quoq;
ejus & planè divinam, ut loquuntur Avicenn. Munder-
tr. de Pest. p. 105. Joubert & alii, experimur potentiam.
Non est venenum, sive id Animale sit, sive Minerale, sive
Vegetabile, cui non, si in tempore ei occurratur, & Natura
robur adsit, Theriaca utiliter opponi possit, quinimo cum
subtilissima quandoq; effluvia ab animalibus lethiferis egre-
dientia, de quibus consulantur, Avicenn. l. 4. f. 6. tr. 3. c.
22. Vidus vid. p. 2. f. 2. de curat. general. l. 1. c. 13. p.
332. Scalig. exerc. 200. homini insidientur, ab hac Anti-
doto propinata auxilium quoq; experimur. Quid? quod
ipssissima Pestis, truculenta illa Hydra, unicum ut plurimum
alexipharmacum agnoscit Theriacam. Partes insuper cor-
poris nostri singulas, tam internas, quam Externas faculta-
te suâ respicit; nam & Capiti, & Pectori & Ventriculo, &
Cordi & Hepati, & Lien, & Utero, & Renibus. & Vesica,
& ipsis Artubus, ob ingredientia singulis partibus dicata,
prospi-*

7.
prospicit, virtutem suam imbuat. Sit Juvenis, sit Vir, aut
Senex, nemo ab ejus legitimo usu periclitabitur. Sit mas
aut femina, nullum sexus agnoscit discrimen, si à prudenti
imprimis ea porrigatur Medico. Pueris an prosit, specialis
usus docebit. Judicium rectum ut omni Pharmaco, ita &
Theriaca debetur.

IV.

NECESSITAS ex inevitabili, quod
vel singulis momentis hominem petit, vario-
rum ingruentium affectuum malo, ex subita-
neo, indubitato, totiesq; experto auxilio col-
ligitur, ita ut nulli ratione hac Antidoto morta-
les carere possint.

Medicamentorum necessitatem inter alia momenta
ne illa alterationes, quibus genus humanum obnoxium est
maximè perè urgent. Quemadmodam verò haec aliis, ita
nec Theriaca carere debebat, cum si subitaneum aliquod
expetatur remedium, utilem suam conferat operam. Quo-
ries Venenum ex improvise bibentibus auxilio fuit? Alius
mascarum venenatam aquam hauriens Theriaca assumpta
convalescebat; alius Arsenicum per imprudentiam devo-
rans eam restituebatur; alius Aquam fortem pro Vino adu-
sto deglutiens, eadem curabatur; Nec ita pridem Rusticus
quidam à Vipera quatuor vulnusculis laesus, cui totum corpus
mirum quantum intumuerat, divini hujus remedii beneficio
ex Oris faucibus actutum eripiebatur. Taceo infinita e-
xempla alia, quae in praxi haecenus notata fuerunt, neces-
sitate hujus Antidoti attestantia. Unde & Veteres, at-
testante Galen. ad Pison. c. 5. cum ex una parte animad-
vertissent, nec serpentum ictus evadere, nec venenum insi-
dias

8.

diā evitare nos posse, sed utraq; de causa mortem incur-
rere: Ex altera verò consideraffens tantoperè naturam ho-
minum inter se differre, ut. quod uni prodest, alteri non con-
ferat, exquisitam hanc compositionem sunt moliti, ut hoc
nomine foret in omnibus hisce necessitatibus remedium præ-
sentaneum, & usu tam opportuno apud omnes gentes sum-
moperè celebratum. Quod si incertum quoq; sit, aut as-
sumti Veneni, aut pestifera Luis, aut occulsi alterius morbi
genus, Theriaca omne dubium solvet, & natura superias
ferendo malum ipsum extirpabit. Et si. referente Gal. l.
de cib. bon. & mal. succ. c. 4. honorificentius sit Nauta
in tempestatem non incidere, quàm eam evadere; non
minùs Medico longè honorabilius erit hominem à morbo im-
munem servare, quàm morbo oppressum sanare; quod cum
& idipsum Theriacā ex voto expedire possit, quis non sum-
mè necessariam eandem esse proclamabit? Quid verò in
desperatis & jam conclamatis morbis possit, innuit Galen.
sequentibus: In quibus, inquit, alia, Vi morbi supe-
rata nil contulerint, in his Theriaca exhibita egregiè
operatur.

V.

Lauream excipit Nominis enodatio, quæ
Etyologiā, Homonymiā, & Synonymiā cir-
cumscribitur.

VI.

THERIACA, verius Thiriaca, à Gra-
co *Thiōv* i. e. fera, bellua, & *medela*, rectè
derivatur, ita, ut *Thiāna* idem sit, quod medela,
contra feram.

Petrus Aponensis lib. conciliat. differ. 177. &

9.
179. nec non cum eo alii minus genuinā suggerunt Etymo-
logiam, derivantes Theriacam à Thiro serpentum genere,
quem à Vipera cum Albert. M. lib. de Animal. distin-
guunt: innuit idipsum quoque Nicolaus Myreps. in dis-
pensat. suo. l. 41. §. 51. quod sc. Trochisci Viperini ex a-
lia conficiantur fera, quam Tirum vocant. Sed errare
eos nemo non videt, cum, antequam Viperina carnes The-
riacis medicamentis admista fuerint, nomen Theriaca jam
vigerit. Deinde aliis nationibus, imprimis iis, ubi primi-
sus Theriaca preparabatur, non ita cognitus erat Tirus ser-
pens. Tandem & Andromachus s. nullibi hanc suam
compositionem Theriacam, sed αντιδοτον ηλαρην, χαλκήνην
εὐδίου i. e. antidotum Hilarem, Quietam & Serenam de-
nominavit. Utus vero ηλη & ηληγιον in genere, belluam
quamvis significet; Medicis tamen in specie designatur
bestia quadam Venenata, qua ictu, morsu, aliove modo
Venenum relinquunt, unde & medicamentum, quod tan-
quam medela huic opponitur malo, optimo jure Theriaca
indigitatur. Cur verò à bestiis Venenatis Pharmaco huic
nomen sit inditum, cum non tantum Venenis animantium,
sed & Vegetabilium & Mineralium medeatur, imò & aliis
externi, internig. affectus à variis causis exoriri, eadem ex-
pugnentur, non sine causa quaeritur? responderet Marantha,
à potiori semper fieri denominationem, cumq. Venena be-
stiarum majoris sint momenti, imò & frequentius in Ita-
lia & Gracia locis, letiferis animalibus abundantibus, oc-
currant, & ut habet Galen. ad Pison. c. 5. nihil tam dif-
ficile sit, quam serpentes & venena vitare posse, meritò
hac denominatione ei exinde attributa.

HOMONYMIA vocis triplici involvitur modo, vel enim Generalissimam & fere obsoletam, vel specialiozem, vel etiam specialissimam & magis consuetam obtinet significationem.

Antiqui ante Galenum Medici Theriaca nomen generalissimè usurpabant pro Adjectivo neutro pluralis, sicq; Inglexa illa dicebantur remedia, qua adversus venenatorum animalium morsus ebibita pugnabant; quemadmodum nobis Beroarctica, Alexipharmaca, Alexiteria contra Venena pugnantia dicuntur. Specialius accipitur, ubi instar substantivi in genere feminino designat prestant quodvis medicamentum Curationem tam Venenatorum, quam aliorum morborum expediens; & sic interdum simplicia hoc nomine gaudent, Allium Galen. 12. m. m. 14. dicitur Theriaca Rusticorum; Scilla Avicenna Theriaca contra Venena; Gummi Opopanax & Aristoloch. Theriaca ad puncturas. Plinius l. 18. N. H. c. 18. Vitum quandam apud Thasios proveniente Theriacam vocat, cum ejus Vinum & Uva contra serpentum ictus valeant: Interdum composita, ut Theriaca ex Pæonia, ex terra sigillata, ex Bryonia Oribas. Theriaca Germanorum, Eli Galli, Euclidis, Zenonis, Antiochi, de qua vide Plin. l. 21. N. H. c. 34. de aliis Actium tetrabil 4. f. 3. c. 14. Quercet. Pharm. dogmat. p. 499. 511. Specialissimè & maximè propriè, pro confectioze ex Viperis Andromachi Senioris, ad cujus mentem Galenus & alii ejus successores eandem composuerunt, & adhuc dum componunt, Licet verò hodierno tempore
sepius

Sapius non Andromachi, sed Venetorum Theriaca dicatur, der Benedische Thiriack/ hanc tamen ab ea differre haut putemus, cum, quantum quidem possibile est, auctum auctoris sequansur; sed propterea à laudatissima illa Republ. nomen obtinuit. partim, quod genuinam descriptionem Andr. Veneti religiose servant; partim quod solemnibus adhibitis Ceremoniis, ut ferè nullibi locorum fit, ea ibidem parctur; partim quod illorum industria non sine magnis sumptibus & difficultatibus ex tenebris hanc Antidotum eruert, cum ob penuriam plurimorum ingredientium vix Cadaveris formam ante annos non ita multos pra se ferret; partim etiam quod per omnem terrarum orbem Theriaca illorum distrabatur, & certo sigillo munita divendatur. Interim & alibi locorum eadem industriâ, eadem fide, eadem methodo & lege jam eandem parari, alibi monstrabimus. Hic nonnulli dubii sunt, quærentes; Utrum Andromachus Sen. hanc suam Antidotum Theriacam vocitarit? Tidic, tr. de Thiriac. p. 37. non ab ipso Andromacho sed Critone celebri ejus seculi Medico primitus nomen hoc ei esse inditum censet; idq; ut Galen. l. de Usu Theriac. ad Pamphil. & ad Pison, c. 5. voluit, duplici de causa; primò quod ad Venenatorum animalium ictus morsusve faceret; Deinde, quod venenati animalis partes, carnem sc. Viperinam reciperet: Non hic moramur contrarium sentientes Marantham, Quercetam, & alios: Ut enim ante Viperinae carnis additionem alia quoq; medicamenta Theriaca nomine venerint; placuit tamen successoribus Andromachi potiori jam iure Antidotum hanc nomine hoc insignire, quod utroq; gauderet & virtute adversus venenatas bestias, & ingredientibus Viperarum carnibus. Et quia verba valent sicut nummi, cur absq; ratione Galeno contradicendum?

SYNONYMA varia sunt. Andromacho S. dicebatur Γαλήνη. Quies s. Tranquillitas, & quidem ἡλαρῆν καὶ εὐδίον, hilarem & serenam in versibus eandem vocabat, ut & πανάκειον Panacæam: aliis dicitur ἀντίδοτ & δ' ἐχιδῶν, Antidotus ex viperis; Medicamentum Polychreston; Regina, Mater medicamentorum.

Quò quid est præstantius, & utilius, eò plura Nomina & Epitheta, laudis encomia decantantia meretur: Vocatur autem γαλήνη, non quod à Galeno inventa sit, ut perperam nonnulli fecerunt, teste Joubert. tr. de Pest. c. 19, Sed quod Veneno, aliâq; morbificâ causâ turbatos & quasi maris procellis oppressos ad Quietis portum deducat, humorumq; ferociam compescendo, symptomata omnia mitiget & placet, unde non nisi ἡλαρῆν καὶ εὐδίον latum & serenum corpori animoq; statum conciliat, discussis variis tristitia & jamjam ingruentis mortis nebulis. Antidotus δ' ἐχιδῶν ad differentiam aliarum Antidororum, quæ ex Viperis non constata erant, nec similes operationes edebant, quarum quingentas & undecim Nicolaus Myreps. in dispens. Med. à p. 1 ad 233, annotavit. Polychreston & Panacæa, ob insignem efficaciam & usum ferè in omnibus morbis & Venenis, omnibusq; Naturis, quibus salutariter opitulatur. Regina medicamentorum, non tantùm quod à Rege primam duxerit Infantiam, aut quod Imperatoribus, Regibus & Principibus admodum chara fuerit, sed imprimis, ob insignes, admirandas & planè heroicæ Virtutes tam in præservandis, quàm curandis affectibus, quodq;
hoc

13.

hoc nomine ferè omnibus aliis Antidotis palmam præripit ;
confirmante id Cl. Munderero tr. de Pestil. p. 213. ubi
de & Matris nomine ab aliis insignitur.

X.

DEFINITIO sequitur. THERIACA est Antidotus Andromachi Senioris ex variis remediis cum adjectione, carniū Viperinarum concinnata, adversus venena, venenatosq; ut & alios morbos pugnans, Naturæq; præservando & curando prospiciens.

Ex lib. 1. de Antidot. colligitur, Antidota ea olim dicta fuisse medicamenta, qua non imposita extrinsecus, sed intus assumta, pravas corporis affectiones sanabant; quorum alia adversus exitiales potiones; alia ad ferarum ictus, vel morsus Venenatos; alia ad morbos ex prava vietus ratione obortos facerent; alia verò, quæ tria hæc simul pollicerentur & præstarent, quorum classi optimo jure Andr. Theriaca refertur: Licet & generaliorem jam Antidoti vocabulum gaudeat significatione, cum Theriaca externè adhibita in usum venerit, & commode usurpari possit.

XI.

CAVSARVM explicatio, Efficientis, Materiæ, Formæ & Finis enodatione expeditur.

Si quod S. Paulus suo Timotheo præcipit, ut vult τὰς βεβήλας κραινοφωρίας, καὶ ἀντησίας τῆς ψευδαρύμης γνώσεως,
& aliis

14.

& aliis scientiis applicandum est, gratis contra causarum genera & alia antiquitus in scholis sanè ratione recepta pugnatur: præstat ipsum ædificium inceptum continuare, quàm de novo fundamento sollicitam curam instituere.

XII.

EFFICIENS, vel est **Univerſalis**, vel **Particularis**. Illa est, **Deus T. O. M.** benedictus in secula; qui, ut simplicem ex terra creavit medicinam; ita & **Compositorum** humanibus usibus maximè interserviencium rectè indigitatur prima causa.

Saniores Ethnici, quæis melior mens erat, supremum quoddam venerabantur Numen, cui inventiones excellentium medicamentorum adscribebant, felicesq; simul curationum successus deferebant. Observavit idipsum Andromachus quoq; in fine Carminis, inquiens.

Ἰλήυει, ὃς τῆδε μάκαρ πικτήνας' &c.

Propitius ergò sis tu, qui hanc Antidotum, ô beate fabricatus es Pœan

Sive te Tricca divinitus habeant cacumina.

Aut Rhodus, aut Búrinna, & propè mare sita Epidaurus,

Adsis quæso, atq; ut saluiferum edulium Regi præbe.

Sobolem hanc tuam Panacæam. Ille contra sanctis oblationibus

Supplex venerabitur te propter hanc salutarem medicinam.

Avicenn. tr. de Virib. Cord. 2. c. 4. & alii divinitus hoc quoq; concessum medicamentum proficiuntur. Nil itaq;

15.

itaq; & ego huic excellentia & dignitati detractum volo, cum Deus sit fons omnis bonitatis, & salutem corporis quoq; nostri promovere, paternè cures: Nec dissentientes alios hic video Medicos, inter illos Joubert. rr. de Peste c. 19. hanc omnium compositionum Reginam caelitus traditam esse fatetur.

XIII.

Particularis causa est duplex: alia respicit primam inventionem, alia successivam Compositionem: Illa defertur Andromacho Seniori pessimi Imperatoris Neronis optimo & celeberrimo Medico; Qui primitus hanc Theriacam composuit, & ne vel ponderum vel ingredientium ratio mutaretur, totam compositionem metro includere, posteritatiq; consecrare voluit.

Mithridates, potentissimus ille Rex, qui duabus & viginti gentibus imperavit, earumq; linguas adedè perfectè calluit, ut earundem legatis nunquam per interpretem responsa dederit, tanti Medicam artem fecisse dicitur. ut neglecto ad tempus Regio solio, lucos inaccessos perlustraret, abditos terræ recessus investigaret, simpliciaq; sedulo conquireret remedia, qua lethalibus ictibus & moribus mederentur: Inventa in hominibus morti destinatis expertus est, ut cuinam Veneno proprium Alexipharmacum opponi posset, cognosceret: Hinc aliud simplex phalangis, aliud Scorpionibus, aliud Napello, aliud alii adversari didicit. Tandem divino certè instinctu, unum ex pluribus meditatus est compositum, quò eo ipso pluribus Venenorum gene-

generibus mederi posset. Hoc ipsum ab autore Mithridatum fuisse dictum, & à Pompejo Magno Regem Mithridatem bello subigente inter alia inventum, Romanis fuit communicatum, unde sanè plus laudis, quàm ex ipsa victoria reportavit. Andromachus noster, ut hoc ipsum Pharamcum magni aestimavit; ita ad ejusdem normam aliud adversus nonnulla efficacius, composuit, cui Theriacæ nomen postmodum fuit impostum. Hic ipse verò Andromachus, Gal. l. ad Pis. c. 1. referente, celeberrimus fuit Medicus, artem Medicam ad summum usq; edoctus, nec faciendo solum, sed dicendo etiam vehementer exercitatus, genus suum ex Creta insula, complurimis herbis refertissimâ, ducens, Archiater Neronis, in cuius gratiam hoc medicamentum condidit, simul & versibus inscriptum dedicare voluit. Nec sine causa more antecessorum suorum ligatum soluto prætulit stylo: Cum enim plurimi novitatis, & fictæ cujusdam sapientiæ pruritu titillentur, quæis nil antiquum, sed quod novum est, arrides, nec immutatum quicquam relinquunt, voluit autor ingredientia & dosin eorundem adversus omnem reformationem munire, nam ex metro quid mutatum, subtractum, additumq; sit, facile patet. Hinc non sine causâ Junioris Andr. sive filius S. Nepos ejus fuerit, descriptio eum apud nos locum non meretur, & non sine causâ postponitur. 1. Quod prosâ oratione fuerit delineata, quæ facile emendationem aliquam ab aliis incurrere potuit. 2. Quod non parum à mente Senioris recedat in translocatione, additione & subtractione nonnullorum simplicium. Quo verò in censu ea compositiones Theriacales habende sint, quæ pro ejusq; Cerebro fictæ & vel infinita iis addita, vel etiam ex aliis diversis extracta sint, facile quis judicare poterit.

Ad successivam compositionem referuntur omnes illi Medici & Pharmacopœi, qui à tempore ipsius Andromachi S. in nostra usq; Antidotū hanc dextrè & legitimè confecerunt, & adhuc dum conficere eandem allaborant,

Dua horum classēs possunt constitui: ad primam Veteres Galenum vel antecedentes, vel subsequentes; ad secundam Recentiores patrum nostrorum memoriā vel etiam nostro tempore celebres rediguntur. Antecesserunt Galenum, eiq; nonnulli cōtemporanei fuerunt: inter alios Xenocrates solius Sagapeni doctri adaugens. Democrates in aliorum p̄videre nonnihil discrepans; Magnus, medicorum Galeni saculo p̄ses, & Demetrius & ipse Medicis p̄siciens, quorum Gal. ad Pison. c. 12. honorificam facit mentionem. Subsecuti sunt infiniti alii Romani, Græci, Arabes, Galli, Angli, &c. donec & Germania pretiosissimo hoc Thesaurō ditata est, à quibus & ad nos Porussos Pharmaci huius compositio dimanavit. Ut enim taceam florentissimas Gedanensem & Thoruniensem Respubl. ubi summā dexteritate & singulari cum fructu Antidotus hac componitur. Quem latere potest eximia Pantzerorum Regiomontanorum (ut de aliis nil dicam) solertia? qui nullis sumtibus, nullisq; laboribus & difficultatibus in conquirendis genuinis ingredientibus hactenus pepercerunt, ut veram & legitimam ad mentem Androm. S. & hic Regiomonti Porussorum nobis exhiberent Theriacam, qua num cedat Venetorum Theriace, alibi speriam.

XV.

MATERIA sunt ingredientia omnia & singula, ex quibus Antidotus hæc est confecta, ex classe Vegetabilium, Animalium & Mineralium desumpta; quorum Generalis consideratio & Quantitatis & Qualitatis simplicium exigit scrutinium.

XVI.

Quantitas tria respicit, 1. Numerum ingredientium, 2. eorundem Immutabilitatem, 3. Succedaneorum genuinam notitiam.

XVII.

Numerus in multitudine materiæ consistit, quæ gravissimis de causis, optimo consilio & sanâ ratione ab Andromacho fuit observata, teste Gal. ad Pison. c. 3.

Plinius l. 29. N. H. *impudenti planè calamo Theriacam, ut & Mithridaticum ob multitudinem ingredientium perstringit hisce verbis: Theriace vocatur excogitata compositio luxuriæ: fit ex rebus externis, cum tot remedia dederit Natura, quæ singula sufficerent. Mithridaticum Antidotum ex rebus 54 componitur, interim nullo pondere æquali, & quarundam rerum sexagesima denarii unius imperata. Quo Deorum perfidiam illam monstrante? Hominum enim subtilitas tanta esse non potuit. Ostentatio artis & por-*
ten-

hoc misto variis mederi possemus venenorum generibus?
 Vix autem excogitari poterit Venenum, quod à Theriaca
 tanquam certissimo alexipharmaco non expugnetur. 2.
 Propter occultationem ipsius Veneni, ut innuit A-
 verrh. tract. de Ther. c. I. Venenata enim sapissimè hau-
 riantur pocula, ubi de genere Veneni nil constat, quò ergo
 certum ipsi remedium opponere poterimus? Theriaca au-
 tem ex multis mixta, instar Universalis cujusdam sese ha-
 bet, quæ etiam nobis ignoto medebitur Veneno. 3. Ob a-
 liorum morborum diversitatem: Nec enim solis Ve-
 nenis dicata est, sed & aliis tam Internis, quàm Externis
 morbis, quorum curatio feliciter absolvitur unico hoc re-
 medio ex pluribus composito, quod à simplici aliquo nun-
 quam sperari posset. 4. Ob viscerum internorum dif-
 ferentiam; aliud enim Cor, aliud Cerebrum, aliud He-
 par, aliud Uterus, Lien, &c. requirebant, necessariò itaq;
 Cephalicis & Cardiacis, Hepatica, Uterina, Splenetica &
 similia misceri debebant, ut partes illæ à morbo aliquo obse-
 sa eò feliciter restitui possent. 5. Ob temperamentorum
 discrepantiam, nec enim cuivis quodvis propinari potest,
 sed quod huic medicamentum est, alteri in Venenum abit,
 & contra: Quam dextrè autem etiam diversis Tempera-
 mentorum generibus satisfaciat Theriaca, alibi monstrabi-
 tur. 6. Propter causas & requisita ad Compositum
 facientia. Nam basi principaliori adjungenda erant aliæ,
 quæ actionem ejus promoverent; aliæ, quæ ad partem de-
 stinatam facultatem ejus quæ, manū ducerent, aliæ, quæ non-
 nullorum ingredientium vim castigarent, aliæ quæ ad ge-
 nuinam missionem & conservationem facerent. Quòd
 sanè paucis nequaquam expediri potuisset.

Ad. II. Male Plinius, Paracelsus & alii Exotica re-
 spiciunt; licet enim domestica, ubi locum inveniunt, meri-
 to aliis

ad alios preferenda, & arrogantiam quandam sapiat, in Exoticis tantum subsistere, quasi Natura nobis noverca sit: tamen necessitate sic urgente, & Exoticis suis relinquendus locus: nam & hac de causa Navigationes à Deo hominibus concessa, ut illarum medio ex distans etiam locis utilissima quæ, non tantum ad victum & amictum, sed & morborum propulsionem facientia, ad nos deferri possent. Sale carere haut possumus, non tamen quævis terra eundem ad cibum idoneum profert. Cinamomo & Caryophillis, quorum maxima est necessitas, nil simile apud nos reperitur: Verum & nos ipsi aliis succino, baccis Juniperi, Cornu & Ungulis alci & similibus succurrimus.

— nonne vides Croceos, ut Tmolus odores,
India mittit Ebur, molles sua thura Sabai,
At chalybes nudi ferrum, virosaq; Pontus,
Castorea, Eliadum palmas Epirus equarum.

Deinde non ex puris Exoticis hæc Antidotus paratur, plurima enim, imò ferè ultra dimidietatem domestica sunt, & apud nos quoq; reperiuntur: nonnulla etiam nunquam antehac hinc visa, singulari industria, non sine ingenii delectatione, apud nos jam coluntur, & ad Theriaca compositionem commodè asurpari possunt.

Ad. III. Insulse ingredientium urgetur aequalitas ponderis, cum ea sint diversarum facultatum & virtum: admitteretur illa, si omnia in Qualitatibus certisq; inter se gradibus conspirarent, & ad unum scopum collimarent: prudenti itaq; consilio in sex classes doses distributa sunt, ut sic & effectus felicior à composito hoc expectari posset.

Ad. IV. Non corpus ipsum, sed virtus & qualitas remedium simplicis attendenda, unde vel semigranum unius facultate superat etiam drachmam alterius: & quia à toto

composito effectus expectatur, quid opus erit Arithmetica
in designatione portionis operantis?

XVIII.

Immutabilitate illâ hoc volo, ut nil hujus
descriptioni vel dematur, vel addatur, nisi sum-
ma urgeat necessitas: In defectu tamen unius
vel alterius certa succedaneorum observentur
requisita,

Galen. I. de Antidot. c. I. testatur, se in conficienda
Theriaca, quam Antonino Imperatori paravit, neq; om-
misse, neq; addidisse quicquam, sed ea solum imposuisse, quae
ab antiquis Imperatorum Medicis imponi consuetum fue-
rat: unde nec contemnendum est consilium, Avicenn. I.
de Theriac. ut sc. nil removeatur, quod experimentum ju-
vativum invenit; fortasse enim inquit, illa complexio
cum illo pondere exigit illud, cujus juvamentum invenit ex-
perientiam, quam quidem dum res ipsa movetur à suo pon-
dere, non consequitur illam proprietatem. Horum tamen
celeberrimorum Naturaeconsultorum sententia non subscri-
bit Quercetan. Pharm. Dogm. p. 518. fecundam enim
hodie dicit esse Artium inventricem, eamq; indies magis
magisq; incrementum sumere. Quâ duce & auspice pluri-
morum remedium usum, quem Veseres tanquam utilem
comprobaverant, sese abdicasse, & in illorum locum, alia
suo artificio inventa, introduxisse; hincq; subtractionem
& additionem in Theriaca quoq; locum habere posse statuit,
& sic Rhabarb. agar. chalcitid. tanquam supervacanea &
inutilia ejicit, & praeforibus stare praecipit. Huic errori
omnes illi subscribunt, qui à tempore Andromachi in hac
usq;

vel circa ingredientia, vel etiam legitimam dosim mutationem instituire haut erubuerunt. Pessimè tamen 1. quia sic nullus ulli composito etiam per aliquot sacula comprobato, relinqueretur locus, cum nemo tam abjectæ doctrinæ sit Medicus, qui non vel aliquid addere, vel etiam subtrahere, aut pro arbitrio suo substituere possit: plurima enim reperiuntur simplicia in eundem effectum cum aliis conspirantia, quæ ex mera reformandi libidine in alterius locum surrogari possent. Omnia & singula Quercetani Antidota, Aqua composita, Extracta, Electuaria, &c. censuram hanc effugerent; cum, licet affabrè & doctè sint concinnata, facile quid iis demit, aut addi possit? 2. Nonne ex additis & subtractis Theriacalium ingredientium proportio, quam tamen Andromachus strictè observari voluit, immutabitur? 3. Nonne sic Experimentiam per tot annos comprobatam repudiaremus, aut cerè in dubium vocaremus? 4. Correctione illà, & deformatione non Theriaca nobis relinqueretur, sed aliud quid: quemadmodum ex subtractione & additione nonnullorum ingredientium Theriaca desit esse Mishridatium, hocq; sui generis permansit Antidotus: ita nec Theriaca castrata, aut superfluis onerata amplius nomen Theriaca vera merebitur. 5. Circa effectum, qui toties à Vera Theriaca usu dimanavit, hastaremus, nec correctà illà ita tuto uti possemus. Est angustanis sua Theriaca absq; Viperinis carnibus; aliam describunt Bononienses plurima alia simplicia admiscentes, alii aliam exhibent, nullam tamen harum eà pollere virtute, quam Andromachi s. hæcenus prodidit, vel illi ipsi fatebuntur. Non tamen eodem modo Extractum Theriaca rejiciendum existimo, aliud enim est mutare ipsa Compositi ingredientia, aliud verò servatis iisdem totius essentiam extrahere, ita ut idoneà fermentatione factà, & omnibus

24.

in vicem legitime unitis, terrestrior pars separatur, & nucleus ipse reservetur: in omnibus tamen Naturis, morbis, &c. Extractum preferendum esse ipsi Theriaca vulgari non dixerim, sed omnia dextrè & ad amussim pensanda erunt: nam ut habet Steegh. l. I. Med. Pract. c. 15. Sape integra rei virtus necessaria est, crassioresq; & materiales partes non raro usui sunt.

XIX.

SUCCEDANEA sunt Medicamenta in alterius deficientis locum surrogata. Substantia, Qualitate, Quantitate & Proportione eidem respondentia.

Patitur regula quaevis suam exceptionem, necessitasq; legi collum subducit. Cum ergo temporum injuriâ nonnulla simplicia planè non deferantur ad nos; alia verò adulterata nonnunquam, providendum eris, ne iis in totum destituatur compositio: Quare vires potius ipsas Naturae consulti prudentiores, quam ipsum corpus attendere voluerunt. Licet autem nullam detur simplex, quod per omnia alteri sit simile, sed aliquam semper obtineat differentiam, consensus tamen principalium Qualitatum, tam manifestarum, quam occultarum identitatem quandam infert. Hinc & Succedanea originem trahunt; Quae duplicia à Marant. l. I. de Ther. c. 8. constituuntur: alia sc. improprie dicta, quae aliquali ratione unum eundemq; morbum sanando respiciunt, quanquam aliàs sint admodum diversa: Sic in tibiâ aurium & dolore earundem ex causa frigida Aloë in liquore aliquo dissoluta utimur, in cuius defectu substituitur Chalcitis aut Nitrum, aut Aristolochia, quae singula in

25.
la in affectu predicto quidem conveniunt, at quia alias
maximè inter se differunt, in aliis morbis nulla ratione suc-
cedanorum rationem obtinent. Propriè dicta verò sunt
illa quæ dictis in Aphorismo conditionibus consentiunt.

XX.

Substantia exigit eandem crassitiem, te-
nuitatem, levitatem, gravitatem, raritatem,
densitatem, lentorem & friabilitatem.

*Ita Sonchus Endivia, Plantaginis portulaca commo-
dum statuitur succedaneum, cum illa tenuitate, hac crassi-
tie inter se conveniant.*

XXI.

Qualitates non tantum primæ, sed & se-
cundæ & tertiæ attendendæ; imò Occultra-
rum quoq; per experimenta comprobararum
ratio exacte habenda: Gradus quoq; Caloris
& Frigoris, Odoris, Saporis, nec non virtus
aperiendi, menses ciendi, purgandi & similia
attendenda.

*Malè calido in tertio gradu substituitur calidum pri-
mi gradus, aut e contra: licet enim triplâ dosi deficientem
caloris gradum augere possemus, subsequenti tamen condi-
tioni, eandem exigenti quantitatem repulsam daremus.
Idem itatem quoq; Solis & Soli hic nonnulli urgent: Ve-
rum ut in nonnullis id concedi potest, ita non in omnibus.
Sunt enim quedam quæ eximium Solis desiderant calorem;
& frigoris impatientis sunt, & sic Italiam, Græciam, Cre-*

ram & similia loca natale agnoscunt solum: nec enim nostra regio pomis & fructibus Citri, aurantium, Granatorum & similibus ferendis accommodata est. Quaedam tamen sunt, quae si non majorem, certe eandem proprietatem obtinent, etiamsi ex aliis locis huc translatae sunt; quod Scordium, Chamepytis, Chamadris & ejus generis alia comprobant. Sunt denique alia, quae culturam & transplantationem venenatam suam deponunt malitiam; nec enim exiguus notatus est Transplantationis effectus, cum ejus beneficio innumerorum simplicium, acris, amara, & infesta Qualitas cum dulci, suavi & benigna commutetur. Persea praestans inquilinam Venenum, translatione mitescit: Scilla, Helleborus & alia venena a hoc medio corriguntur, ut doctè monent Heurn. l. 2. meth. ad Pr. c. 4. Quercet. Pharm. Dogmat. p. 543. Horst. l. 2. Epist. medf. I. p. 408.

XXII.

Quantitas necessario eadem servanda, ne eadem aucta aut diminuta augeatur, aut imminuatur ingredientium proportio.

Cum certa & determinata dosi quodlibet ingrediens sit designatum toti compositioni, male eidem vel augendo vel imminuendo consuleremus: hac de causa ferè nulli Medicorum arridet, quod Gal. lib. j. de Antidot. c. 13. & Aet. f. 13. c. 91. & c. 101. pro Cinamomo duplum Cassia substituendum censeant. Idem de aliis esto iudicium.

XXIII.

Proportio quoque inter simplicia attendenda, ut, flori flos; semini semeu; radix, radici; ligno

ligno lignum; succus succo; lachryma lachry-
ma succedat, ne, hoc neglecto difficultas ali-
qua in mistione oboriatur.

*Andromachus S. exactam tenens miscendorum ratio-
nem certam siccorum, humidorum, & solubilium observa-
vit proportionem. Si itaq; pro radice lachryma, pro ligno
succus, aut e contra quid substituti vices teneret, tunc vel
minus vel etiam plus liquoris Theriacam ingrederetur.
Hinc optimo, ut docent Medici, consilio pro Opopalsamo,
vel Oleum nucis mosch. expressum, vel balsam. indic. loco
Carpobals. Nux myristica: loco Xylobalsam. lignum aloës:
pro Costa zedoaria: pro Amomo Cubeba: pro Aspalatho
Santalum citrinum locum tenere poterunt.*

XXIV.

Paucissima autem sint illa succedanea, ne
numerus excedens toti compositioni mutatio-
nem inferat, & potius aliud quid, quam vera
Theriaca inde expectanda.

*Multum laboris, immensi sumtus, eximiæ difficul-
tates in conquirendis simplicibus requiruntur: testaturq;
Galenus, qui Romæ Imperatori suo Theriacam composuit, si-
bi ex Syria, Palestinâ, Ægypto, Cappadociâ, Ponto, maxi-
mè verò ex Macedonia & aliis locis medicamenta ad The-
riaca confectioem necessaria, fuisse allata, unde vix uno,
aut altero opus fuit *αὐτὸν βαλόντων*. Quinimò tantum la-
boris suscepit, ut & quorundam simplicium ad Theriaca
preparationem necessarium gratiâ ipse peregrina adierit
loca. In insulam Cyprum navigavit Chalcedidis causa.*

ejus etiam tantum pondus illinc se avexisse refertur l. 9.
 de simpl. medic. facult. sub tit. Misf. In Syriam quoq;
 Palestina Bituminis; in Lemnam terra Lemna gratia pro-
 fectus est, & huius Sphragidum millia viginti secum inde
 avexit. Millichius Pharmacop. Venet. in dispensat. suo p. III.
 refert. se in dispensatione Theriaca Anno 1573. facta quinq;
 tantum desiderasse succedanea, ita ut loco Opobals. ol. nucis
 mosch. exp. pro Carpop. baccas Juniper. pro Amom. amo-
 mum racemos. pro Acor. calam. aromat vulgar. pro folio fo-
 lium officinis usitatum substituerit. Nos eadem felicitate
 hic Regiomonti in confect. Theriac. gavisos esse, specialis
 materia enodatio monstrabit. Sex autem ad summum
 sufficiant, eaq; talia sint, qua verorum requisita obtineant;
 Si enim decem, quindecim aut viginti substituerentur alio-
 rum loco, nil aut certe parum Theriacalis virtutis inde ad-
 nos redundaret.

XXV.

Qualitas bonitasq; materiae generaliter
 consideratae refert, quae sequentem suggerit re-
 gulam. Omnia & singula simplicia in sua spe-
 cie sint perfectissima, tempore convenienti col-
 lecta, & quidem iis in locis & Regionibus, in
 quibus sunt efficaciora, notas integritatis pra-
 eferentia.

Notat Galen. quendam in eo omne studium collocasse,
 ut praestantissimum haberet Opium, de aliis non ita sollici-
 tam egisse curam: Fuerunt alii, qui in electione solius
 Ayrrha, alii in Galbani & similium particularium conqui-
 sitione similiter desudarunt: Verum non sine maximo i-
 psius

p̄stius Compositi detrimento, quum huius unius predominio
 cæterorum virtus quasi sopita permaneat, sicq; vix umbra
 vera Theriaca sese nobis offerre possit. Quare id sedulo o-
 mnig; studio peragendum, ut omnia & singula, nullo nes-
 minimo excepto, optima sint nota, & laudate facultatis.
 Radices singula debito tempore colligantur, cortices habeant
 aequales, sint rimarum expertes, bona substantia, coloreq;
 nativo hant defraudata, densa & aequales. De Corticibus
 idem esto iudicium. Semina si sint separata, matura de-
 bent esse, si planta adherentia propinqua sint maturationi,
 solida, cortice claro, non rugoso. Flores vegetam obtine-
 ant naturam, vivumq; colorem, ut & exsiccati quasi res-
 centes conspiciantur. Sacri, lachryma & alii liquores non
 sint exusti nimis, aut inveterati, sintq; efficaces quoad pro-
 prium odorem & saporem.

XXVI.

FORMÆ consideratio duplex sese no-
 bis offert: alia quæ ipsum Medicamentum
 componendum s. formulam respicit; alia, quæ
 ipsum Compositum. Illa est concinnus & ad-
 mirandus omnium ingredientium ordo, ad
 normam & regulam medicam. compositorum
 factus, singulari studio, artificio & prudentia ab
 Andromacho S. observatus & notatus.

Quemadmodum Empirici & cum iis Thessalus uni-
 versa ferè composita medicamenta ad Insomnia, Fortunam
 & Casum olim referebant, quorum tamen somnia perstrin-
 git, Galen l. i. de compos. med. sg. c. i. ut & l. 2. c. i.
 ita & cum nonnullis Fallopius satis injuriosus & iniquus

est in Andromachum ejusq; compositionem; Nam tract. de Theriac. c. 10. Theriacam & Mithridatium Empirica dicit esse medicamenta sine ratione composita & coacervata, cum in illis multa sint superflua, multaq; contraria, quodq; ad multos etiam inter se contrarios effectus faciat & conferat; cum tamen ratio non patiatur superflua in medicamento poni; multo minus, quæ inter se contraria sunt, quodq; unum medic. varios & inter se pugnantes morbos sanet: experienciâ tamen esse compertum, & in usum jam receptum Theriacam propulsare ac fugare varios morbos, eosq; contrarios, quamvis Casu sit composita, & superflua in ipsa fuerint posita. Verumenimvero absq; ratione hæc effutita esse quisq; judicio menteq; non destitutus dijudicare poterit. Quod nulla sint superflua ex Aphor. 17. liquet, & notat Marant. l. i. p. 6, diligentissimâ habitâ ratione, & maturo sanog; judicio adhibito tam varia esse adhibita, ita ut nullum in hoc composito sit simplex, quod si mutetur, auferatur, aut in quantitate varietur, si non universam, aliquam saltem compositionis partem labefactari. Quod verò contraria nonnulla addita sint, id potius de primis & secundis, quæ tamen secundario tantum hæc attenduntur, quam de occultis intelligendum, quæ non sine causa hæc primas tenent: Deinde lex compositionis id vult, ut medicamentorum calidiorum vis opposito frigidiore aliquantulum infringatur, fortiorumq; vis mitigetur. Tandem & in ipsis mistis simplicioribus contrarietatem quandam conclusam esse animadvertimus, Rhabarbarum enim laxat & adstringit, Aloës aperit & adstringit: simile quid in lapato, brassica, lacte & aliis videmus, attestante Gal. ad Pil. c. 4. & aliis in locis.

qui

Qui verò contrarios effectus edere possit aph. 29. in com.
 q. 2. monstrabit. Casu autem, & absq; ratione iudiciove esse
 hac omnia constata, nemo dixerit, qui mentem & intensio-
 nem Andromachi S. paululum rimatus fuerit. Is enim ad e-
 xemplum Regis Mithridatis prestans quoddam voluit con-
 cinnare Pharmacum, inprimis contra Venena cujusvis ge-
 neris militans; hinc basis principaliorem constituit Vipe-
 ras, quarum non quantitas, sed qualitas estimanda, cum ea-
 rundem vel pauca grana Venenis apprimè resistant: ut ve-
 rò vis hac alexipharmica & Bezoartica omnibus inprimis
 principioribus partibus deferri posset, specifica singularum
 partium Basis adunxit, quæ & partes ipsas respicerent, si-
 mul & insitã suã alexipharmacã vi actionem Viperinarum
 carniũ juvarent: reperiuntur enim in hac compositione
 Cephalica, Pectoralia, Cordialia, Hepatica, Stomachica, U-
 terina, Splenetica, Nephritica, Arthritica & similia: Ho-
 rum cum nonnulla calidiora & acria essent, necessariò ab
 aliis, ne noxam quandam inferrent corpori nostro, mitigan-
 da erant: Imò ne effervescentia insignis humorum dare-
 tur inprimis Veneno corpori ingesto, aut Pharmaco fortio-
 ri irritante, talia admiscenda erant, quæ frezum q. humori-
 bus injicerent, & Narcosi suã quietem eis conciliarent; quò
 sic basis principioris vis eò felicius & potentius adversus
 hostem suum insurgere posset. His ita admirando modo
 mixtis, non possunt non & alia ipsis simplicibus insita facul-
 tates suas, necessitate sic exigente, Naturãq; non repugnan-
 te, exerere Virtutes, quæ, ut dicitur, ad primarum & secun-
 darum qualitatum classẽ referantur. Quinimò ipse
 Quercetanus, licet Catoniam sibi sumserit censuram ut in
 alia, ita & in hanc Antidotum, nihilominus tamen ordi-
 nem egregium designat, quò omnia secundum facultates
 suas

suas disponuntur, & in sex classes dividuntur. Prima ad-
 signat classi Troch. Theriacal potissimum, ut & Tr. Scille
 & Hedychroi basi principaliori succurrentes, & Alexiterii
 vim augentes. Secunda ea, qua Anodyna sunt, horumq;
 simul proprietates insistendis & coërcendis omnis generis im-
 petuosis defluxionibus & Hemorrhagiis intendunt. Ter-
 tia specifica & singulis partibus dicata. Quarta ea, qua
 sanguinem & spiritus calefaciunt, naturamq; nostram in-
 staurant, & corroborant. Quinta, qua Balsamum corpo-
 ris nostri radicalem ab omni putredinis & corruptionis infe-
 ctione tuentur & preservant. Sexta, qua attenuant,
 dissolvunt, deoppilant, caputq; & Uterum roborant: & li-
 cet tria Rhab. sc. Agar. & Chalcit. rejiciat, tamen, quo ju-
 re, suo tempore examinabimus. Non itaq; confusum quod-
 dam est Chaos. stultâ quâdam incogitantia, & absq; ratio-
 ne ex pluribus conflatum, sed medicamentum potius sum-
 mo mentis acumine excogitatum, dextrè concinnatum, af-
 fabreg. compositum, ut & alexipharmacum quoddâ univer-
 sale contra quævis Venena valens, simul & laudabilis qua-
 dam Panacea contra gravissimos totius corporis affectus
 militans esset. Experimentâ quidem duce plurima ingre-
 dientia sunt inventa, imò effectus admirandi hujus Phar-
 maci notati, at ut illa cum ratione fuerunt disposita, ita &
 horum ratio postmodum manifesta dari potuit. Et cum ab
 Horat. Augen. l 5. epistol. medic. 10. p. 112. triplex
 constituatur remediorû genus, aliud quod solâ ratione, aliud
 quod solâ experientia, aliud quod duce ratione. & Expe-
 rientia comire sit inventum, non sine causa cum eodem
 Theriacam & Mithridatium ad tertium genus referimus.
 Ratio enim compositionem invenit; Experientia de in-
 ventorum virtute decernit, ut loquitur Galen. l. 1. de com-
 pos. med. s. g. c. 4.

XXVII.

Forma ipsius Compositi est, Interna ejus
Essentia ex atomorum consensu & dissensu be-
neficio fermentationis ita exaltata, ut median-
tibus Qualitatibus admirandos edat effectus.

Duo hic necessario dispicienda 1. Qualenam sit Mi-
stum Theriaca? 2. An unâ, an verò pluribus gaudea-
formis? Circa primum vult Piccolomin. l. de Mist. c.
13. p. 1235. non veram hic dari misionem, cum illa solius
Natura opus sit, sed compositionem, vel juxta positionem
cum aliqua alteratione. Idem ferè sentit Zabarell. tr. de
Mist. c. 13. p. 476. Theriacam sc. nullam habere veram
misionem, vel si habeat eam Elementorum esse misionem,
non mistorum Theriacam ingredientium. Hisce sese oppo-
nit Cl. Sennert. in Hypomnem. & postquam cum Sca-
lig. exerc. 101. l. 1. statuisset, misionem non esse miscibilium
alteratorum unionem, sed motum corporum minimorum
ad mutuum contactum, ut fiat unio, simulq; trium Mistio-
nis graduum, aut modorum ex eodem fecisset mentionem
(quod sc. alius modus sit eorum, qua ubi coëtere rursus dissolvi
ac disita esse possint, ut aqua & Vini, Auri & Argenti mi-
siones, qua non faciunt unum formaliter, sed per accidens
saltem, & dicuntur potius Cramata, suntq; tot entia, quot
intus & extra corpora: Alius eorum, qua difficiliter
dissolutionem admittunt, ut Nix, Ros, & meteora reliqua,
ut & gleba, lapides, &c. qua aliis dicuntur Entia incho-
ta: Alius eorum, qua nullâ prorsus ratione dissolutionem
patiuntur, qualia sunt illa, qua vegetantur & sentiunt,
dicunturq; nonnullis Composita) tandem in fine capitis hisce
concludit: Cû primùm ingredientia Theriacalia con-

E

fu-

funduntur Crama posse appellari, sed ubi postmodum per Fermentationem omnia per minima uniantur, vera mista dici. Huic sententia ut subscribamus, sequentes suadere videntur rationes. 1. Quia hic est vera secundum mentem Scaligeri mistio; corpora enim moventur ad mutuuum contactum, ut fiat unio. Artis quidem opus est preparare omnia & singula ad misionem necessaria; solius verò Natura ipsam instituere misionem, quæ fit beneficio Fermentationis, cujus similem dicit esse rationem Fernel. l. i. de abdit. c. 3. quæ misionis in rebus naturalibus. 2. Quia perfectè a fermentatione non Cræmatis modo uniantur partes, ubi sensibus quidem minus manifesta est illa resolutio, interim Sapientum intellectibus non occulta, ut loquitur Scalig. l. c. sed instar veri misti: Impossibile enim, ut vel ab artificiosissimo quog, ita simplicia egredientium vicissim educi possint, ut pristinam suam & propriam Naturam exhibeant. 3. Quia qualitates inde, tanquam à vero misto promanant, ita ut in singulis etiam minimis dosibus virtus expedita clucescat. Si tamen cui magis arridet Theriacam vocare Compositum, quàm Mistum Aristotelicum, ita ut hoc sit id, quod ex subtilioribus & quasi primis principiis unitur & miscetur: illud verò quod ex perfectè jam mixtis componitur, cum eo non litigabo, cum potius circa verba, quàm rem ipsam sit dissensus. Quod secundum attinet questum Utrum unam vel plures Theriaca obtineat formas? id majoribus involvitur difficultatum tricis; ita ut acutissimus Scaliger ipse exclamet. Ultram sententiam, inquiens, magis probem, haut facile dixerim. Nam & absurdum videtur in continuo uno statuere plures formas (cum unica tantum sit forma in omni re Fallop. de med. purg. c. 4.) & formarum naturæ non videretur convenire.

ut qui actus sunt, fiant potentia: tamen, si cogar ef-
 fari, quod in hac humana caligine sese offert mihi, fa-
 teor, me vinci à sententia posteriore. Sunt enim
 formæ hæ actus materiæ quisq; suæ. Quæ materiæ,
 quia sunt à Natura ad operosiores compositionem
 institutæ, factum ab eadem esto, ut quemadmodum
 ipsæ, sic & earum formæ commisceri queant, &c.
 Galenus ad Pison. c. 10. *vult admista cujusq; vim medi-*
cina eandem, immutatamq; non seruari, verum ex omnibus
unam quandam resultare. Nam, cum quodq; simplex al-
teri virtutem suam communicet, una quadam alia Tempe-
ratura, virtusq; ex ipsis consurgit; & paulo post: In The-
riaca non amplius una cujusq; simplicis medicinæ fa-
cultas, qualitasve permanet, sed singulis quibusq;
congregentibus, & naturalem quandam unionem
subeuntibus, quædam alia, diversaq; ex omnium con-
fusione Natura procreatur. Idem ferè vult Silvatic.
qui tract. de Theriac. p. 265. censet: Simplicia, ex qui-
b; constant composita suam formam exuere, aliamq; o-
mnino diversam induere, quæ Compositi forma esse dicitur:
Idemq; de Theriaca fatendum, quæ suam formam ex medi-
cametorum mistione & unione acquirit. & nihilominus
per Qualitates primas agit: fatemur nos quoq; inquit,
simplicem simplicium medicamentorum formam in
compositione deperdi, tertiamq; aliam enasci o-
mnium diversam: in hac tamen primarum qualitatu
vires adhuc seruari, non quidem quasi simplex me-
dicamentum quodvis vires suas seruare posset, inte-
rim tamen Compositum exsiccare, humectare, exca-
lescere, refrigerare. Hancq; formam vocat Theriace
specificam, p. 274 occultam, p. 264. celestem, p. 270. non
Substantiam tamen, quia non proprie à Natura introduci-

III XL

E o

167

35.
tur, cum partes multas in Opificio habuerit Ars p. 267. nisi
improprie substantialem quis dixerit. Clariss. Heurn. l.
2. meth. ad prax. p. 89. sic ea de re statuit. Quia, in-
quit, sensibus humanis inexpertus est modus & Idea
fermenti, obscura & anceps, imò incerta erit illa for-
ma, quæ ex variis rebus mixtis surget. Cumq; sese
mutuò pervasere fermentationis vi, nulla Naturæ
tam valida vis in nobis efflorescit, quæ semel ita com-
missa divellere possit. sed nova quædam Idea ex illo-
rum concursu nata sese exerit. Hæc autem recens
enata vis, quam potestatem exercere possit in no-
strum corpus, solus usus aperit, quamvis alioquin
num facultas adsit calefaciendi, humectandi, inci-
dendi, &c. loquantur rerum injectarum qualitates.
Verumenimverò licet id entem hic usurpare possem, cum
vix quid certi in hac mentis nostræ imbecillitate asserere
valeamus, & quædam humana sapientia pars sit, nonnulla
æquo animo nescire; & vera sapientia nolle nimium sapere,
Scalig. exerc. 307. f. 29. & exerc. 274. magis tamen ar-
ridet mens Scaligeri, & ita quidem, ut statuam, Formas in-
feriores ita esse à Deo creatas, ut non tantum sint unifor-
mes, & ad dispositionem ipsius corporis actiones suas exer-
ceant & variæ, sed & invicem in mixtione suorum cor-
porum conspirent, & quasi uniantur, ut licet singula singu-
lis rebus remaneant, conjunctis tamen illa generalem, quasi
quandam constituat formam & essentiam, quæ & tota est
in toto, & tota in singulis partibus, nec refugere easdem di-
visibilitatem, quæ denegatur formæ principaliori & perfe-
ctæ. Hujus autem Essentiæ Natura quia nec digitis pal-
pâri, nec oculis videri potest, mentis tantum aciem admit-
tit, & per Qualitates suas unice sese prodit, quarum hi-
storia jam subjungenda.

XXVIII.

Qualitates Theriacæ sunt vel Manifestæ, vel Occultæ: Illæ vel sunt primæ, vel secundæ, vel tertiæ. Ratione primarum calida est in secundo, & sicca in tertio gradu: Ratione secundarum aperit, penetrat, attenuat, crassos humores dissecat, Gal. ad Pison. c. 15. 16. Aet. retrab. s. 1. c. 96. abstergit 2. ad Glaucon. c. 17. sed & incrassat, adstringit, reprimat. Ratione tertiæ, menses movet, urinam provocat, calculum pellit, &c.

Communi & expeditiori insisto Medicorum via. & Qualitatum differentiâs ad normam eorundem determino, ne circa peregrina hasitans principia, & me & alios in labyrinthum confusa cognitionis precipitem. Galen. 8. m. m. 7. Avicenn. tr. de virib. Cord. 2. c. 4. Averr. l. de Theriac. c. ult. existimans Theriacam minus excalescere, magis tamen exsiccare quàm Mithridatium. Silvaticus pro diversitate temporis fermentationi dicati, diversum quoque ei adsignat temperamentum. Nam p. 267. inquit: Theriaca usque quò fermentata est, refrigerat strenuè & exsiccat. A fermentatione usque ad septimum & octavum annum excalescit in primo, procedente deinde tempore usque in finem in secundo tertium versus: perpetuè autem tertii ordinis exsiccantium est. Veram ex Hypothesi quadam minus firmâ id colligit: præsupponit enim cum Veteribus Optum summè esse frigidum, huiusque temperamentum ante perfectam fermentationem maxime vigere, successivè verò immutari;

frigi-

frigiditate in principio prevalere, postea vero sensim remitti, & calorem successivè manifestari. Verum Opium potius inter calida locum obtinere, & Narcosin ejus non à frigiditate, sed alio quodam principio provenire, historia ejus specialior explicabit. Cum ergò nulla, aut certè exigua, nulliusq; efficacia frigiditas ei insit, cur à calidioribus ea successivè infringi debet? quâ etiam ratione inde Ther. frigida statuenla, cum vix tria aut quatuor sint ingredientia, qua frigiditatem prænominantem in primis Qualitatem agnoscunt. Rectius itaq; calida in secundo, & in tertio sicca dicenda Theriaca; Vim tamen manifesta caliditatis ante absolutam fermentationem non adèò manifestè sese exserere, nec etiam expecti: non nobilioribus reservatur usibus. Quod verò Galen. l. 5. m. m. c. 17. Matrona Romana ob Catharrum salsum sanguinem expuenti Theriacam quatuor mensium exhibuerit, id non idèò factum, ut Opii nondum refrenati virtute frigida sanguinem vestigueret & somnum induceret, sed potius, ut à Narcosi hunc ipsum effectum, qui & à Laudano Opiato expectatur, expecteret: Eo modo & furentium deliria excitato somno feliciter sedavit, spiritibus sc. turbulentioribus & ferociensibus ad quietem deductis, & placide quasi ligatis, unde non immeritò nomen Quietis compositioni huic ab Andromacho s. attributum. Circa secundas Qualitates notabilis occurrit questio. Quâ Theriaca unum existens remedium diversos tamen, immò contrarios possit edere effectus? Sylvaticus p. 276. à diversitate Ætatis id ipsum dependere vult: ab initio enim dum adhuc viget frigida illa ab Opio Vis, eam incrassandi adstringendi, reprimendi vi pollere; digerendi verò attenuandi & discutendi vires adipisci successivè calore predominante: Jacobus Ferrar. Idæ Theriac. c. 2. contrariis ingredientibus contrarias

etiam adscribit actiones, inquit: Ingredientia tot sunt numero, tot qualitatibus invicem diversa, & contrarietate pugnantis, ut merito innumerabiles & contrarias ratione materiei Theriaca edat actiones, infuso animantis calore actuata, cui propria forma parem gratiam referens, efficit, ut idem fortius ad propulsandas cujusq; generis illatas injurias, evadat, sicq; hac ratione Theriacam contraria posse certo statuimus. Tidic. l. c. p. 42. *sequentibus nodum hunc Gordium solvere conatur.* Quemadmodum, colligit, simplicia plurima diversas obtinent vires, imò & pugnantes, quæ effectus etiam edant contrarios, nihilominus tamen à Natura, quæ morborum Curatrix est, & facultatem quamvis in medicamento latitantem in actum producit, hoc elicitur, quod desideratur, quodq; exigitur: Ita etiam ex Theriaca, diversis facultatibus ditata ipsa Natura elicit hoc ipsum, quod sibi conveniens est, & cujus ope ab affectibus liberari possit. Ubi enim *diapnois* penetratio, apertio, & expulsio ad habitum corporis necessaria est, ibi aperientia, attenuantia, diuretica, tenuiumq; partium, quæ sunt, sese ad opus offerunt: ubi verò fluxiones deorsum ruentes sistendæ, vel alvi solutiones reprimendæ, ibi reprimentia, stiptica, repellentia, &c. quæ insunt officium faciunt. Idq; omne fit Naturâ & internâ virtute corporis hac vel illâ, prout corporis partisq; affectæ necessitas requirit, actuante, in actum vocante, ad opus impellente, &c. cujus ductu impulsivè hæ vel illæ partes medicamenti assumpti, quasi expergefactæ, impulsæ, cœteris contrariis in eandem cum illis societatem receptis non obstantibus, opus à se requisitum obeunt & absolunt, ut ita hujus actuan-

eis Naturæ beneficio per Medicinam ex diversis con-
 stantem, medela perficiatur. Verumenimvero plenior
 erit hujus dubij enodatio, si, qualis hic sit, effectuum contra-
 rietas attendatur. Occulte actiones nil contrarium ag-
 noscunt, semper enim Theriaca Veneno resistit, & à Centro
 ad circumferentiam malignitatem abigit. Quoad pri-
 mas manifestas, semper quoque Antidotus hæc calida & sicca
 est, similemque his edit effectum, nec unquam observatum
 est per se frigiditatem ab eadem abortam esse: & hinc non
 possunt non secunda quoque à primis dependentes aperire, at-
 tenuare, incidere, penetrare: & tandem menses movere,
 urinam ciere, calculum & urinam pellere. At unde astri-
 ctoria vis, cum & alvi & mensium immoderatas actiones
 compefcas? Nullâ ratione à frigido, cum hoc adeo exi-
 guum sit in nonnullis, ut nil possit, reliquis calidioribus con-
 traoperantibus; ne dum ab astrictoria facultate, cum ad-
 stringentia vix septenario absolvantur numero, & præva-
 leant contraria, nisi quis terrestrem & Salinam omnium
 ingredientium naturam iis associare voluerit. Rectius
 vero à Narcotica principio hæ operationes derivantur, cum
 ab eodem omnis fluxus quicumque, etiam ille sit in corpore no-
 stro figi & sisti possit: hinc & ut suo loco docebimus, notans
 vera & genuina Theriaca nonnulli in eo collocant, si nimis
 hypercatharsis s. superpurgatio eâ assumptâ sistatur: Inte-
 rim tamen & per accidens motus ille impeditur, si Theriaca
 beneficio subsequatur sudor, unde contrario inducto motu,
 prior ille cessat. His itaque præmissis existimo Naturam ab
 hac Antidoto roboratam id agere, ut non tantum genuinam
 exinde eliciat virtutem sibi ad propulsandum hunc vel il-
 lum affectum congruam, sed & suum jungere robur, & con-
 tra eundem insurgere, & pro viribus exterminare, hinc
 Narcotica & aperientia & alia agent diversimode, ratione
 diver-

*diversarum sibi competentium Qualitatum: sed tamen ut
aliis per se, aliis per accidens causa assignari possit.*

XXIX.

Occultæ Qualitates sunt eæ, quarum ratio
ex manifestis principiis deducinequit, & tripli-
ces dari possunt. 1. Est Alexiterica, quâ cuius
etiam Veneno dextrè opponitur. 2. Narco-
tica, commotos humores & ferocientes spiritus
figens, dolores sedans, Naturæq; inducias cre-
ans, ut hostibus nostris debellandis sufficere
possit. 3. Vis Balsamica internum nostrum
Balsamum respiciens, singularumq; inprimis
principalium partium facultatem roborans, ut
adversus vel ingruentes vel præsentis morbos
insurgat, eosq; expugnet.

*Quod in plurimarum rerum naturalium causis red-
dendis Talparum instar cacutiæmus. nec non extremam no-
stram à τοξιδευσία sæpè cum rubore deprehendamus, vix
infittias ire poterimus. Satius itaq; erit cum aliis sapien-
tioribus & cordatis Philosophis ἰλευθερίως s. ingenue suam
hic Infantiam ac oscitantiam fateri, quàm μεγαληγόως ac
superciliosè rei absconditæ, mentisq; nostra captum exceden-
tis, falsam cognitionem sibi velle arrogare. Quis enim
unquam Venenorum internam Naturam nobis explicare
potuit? introducunt hic alii Arsenicalem, Mercurialem.
Sulphuris immaturi & similem naturam; verum cum &
horum ipsorum interna indoles incognita sit. dubium per
aquè dubium explicatur. Ab Atomorum verò certa dis-*

locatione, figura & concursu hac dependere qui asserunt, na-
 illi mare difficultatum & dubiorum intricatissimorum no-
 bis objiciunt, quod dum ipsi nondum transfretarunt, præstat
 in portu imperfecta nostra cognitionis subsistere. Cur e-
 nim hoc antidotum illi Veneno opponatur, & Aëraginem Co-
 rallia, Gypsum Muris stercus, Chamaleam Origanum, Nu-
 cem Vomica citri cortex, Elleborum Nymphaeæ sive oppu-
 gnent vix ullus enodabit: sufficit Experientiâ ministrâ ad
 eam nos devenisse cognitionem. Quod si verò quis sollici-
 tus sit, an. nim. Alexipharmaca contrarietate quâdam
 internâ veneno resistent? an robur addant Natu-
 ræ id ipsum expellenti? Ei utrumq; locum habere posse,
 respondemus: pluribus de hoc acturi Aph. de Viper. Ad oc-
 cultas quoq; proprietates refert Silvat. p. 269. quod animi
 morbos sanet, prudentiam & Ingenii acumen faciat, vi-
 tag; nostra tempus producat: Verum cum ea per accidens
 potius, inducantur, profligatis sc. maroris & Melancholia
 causis, roboreq; partium principalium addito, non immeritò
 ad tertiam classem referri possunt.

XXX.

Restat inter Causas FINIS, qui vel est
 Generalis, vel Specialis. Ille suggerit nobis præ-
 conium ipsius Jehovæ, cujus Omnipotentia, Sa-
 pientia & Misericordia rivuli ex hac ipsa com-
 positione promanant.

Innuit hoc ipsum Ethnicus ille Andromachus S. qui
 spondet, Imperatorem suum sanctis oblationibus supplicem
 Veneraturum Pœana propter hanc salutarem Medicinam.
 Quidni ergo nostri erit officii victimas laborum & cordis
 nostri devoti Jehovæ, Creatori Medicinæ immolare, pro be-
 nigna

43.
magna hac Antidoto deprecante ipsius 1. Omnipotentiam
ad abigenda quavis venena & mala sufficientem 2. Sa-
pientiam, in creandis efformandisq; tot simplicibus alexi-
pharmacis. 3. Misericordiam, in revelandis hisce abstruso-
ribus, & benedictis eorundem, necessitate efflagitan-
te usibus. Hinc laus tua, o Deus, semper in ore nostro. Tibi sit
gloria in sempiterna sacula!

XXXI.

SPECIALIS vel est Primarius, vel Se-
cundarius: Ille est ut inserviat saluti generis hu-
mani, sanitatem presentem conservando, ab-
sentemq; restituendo: unde Prophylacticus &
Therapeuticus ejus provenit usus.

XXXII.

PROPHYLACTICVS est, quando
ejus usu corpus nostrum ita disponitur, ut à nul-
la re noxia corruptionem pati possit.

*Negare conantur nonnulli hanc Theriacæ virtutem, &
tum demum proficuum & utilem statuum eandem, ubi Ve-
nenum corpus nostrum afficit, cum Veneno resistendo & in
id ipsum agendo tantum dicata sit. Verum longè aliter se-
ferem habere & rationibus & Exemplis in usu speciali The-
riacæ demonstrabimus.*

XXXIII.

THERAPEVTICVS est, vel
Principalis vel Minus Principalis; Ille, quando
Vene-

Veneno vel assumto vel externè corpus no-
strum lædenti, variaq; symtomata inducenti op-
ponitur: Hic verò, dum etiam aliis sive Inter-
nis s. etiam Externis malis & symtomatibus eà
medemur.


*Ex Aphor. 3. insignes Theriaca utilitates colligun-
tur, quas tamen pluribus proponet speculatoris usus tra-
ctatio.*

XXXIV.

SECUNDARIUS est, ut etiam bru-
tis animantibus s. Veneno s. alio accidente af-
fectis opem ferat.

*Corpus humanum cum sit Medicina unicum subje-
ctum, ejus quoq; curatio tantum à Medico suscipitur, Per
accidens tamen, auxilia homini conferentia, non sine fru-
ctu quoq; Bestiis, nostris usibus inservientibus, exhibentur.
Generosa hæc Antidotus ob insignes virtutes homini tan-
tum sacra esse debebat; hinc & pro animalibus bruta The-
riaca diatesaron & similia parata sunt. His tamen nil
proficientibus ad Theriacam Andromachi confugunt, &
salutarem inde effectum consequuntur. Non tamen eam
usurpationem Abusam nominarim, cum & illa animalia &
necessitati & commode & prosperitati nostra sapissimè in-
serviant. smò plus interdum, quàm vel maleferiatis homi-
nes, qui Lupinam Leoninamq; non rarò inducentes natu-
ram, ab hac Antidoto merito arcendi essent.*





SECTIO SECVNDA.

de
Singulis in specie ingredientibus,
in sex classes distributis.

CLASSIS PRIMA.

De
TROCHISCIS SCILLITICIS.

CAPVT PRIMVM

DE SCILLA.

Aphor. I.

CAusis in genere expeditis, visisq; iis,
quæ ad generalem Theriacæ confide-
rationem faciunt, specialis confide-
ratio Materiæ, seu singulorum ingre-
dientium examinanda venit.

*Infelix non sine causâ censendus Medicus, qui dùm
ad profligandos morbos quotidiani usibus Theriacam desti-
nat, quid tamen ea sit, ex quibus constet, & quam singula
ingredientia indolem obtineant, ignorat. Infeliciores verò
is est, qui eandem componere, & tantum Alexiterium
extruere satagit, postpositâ ipsius materiæ accuratâ explo-
ratione, & sedulâ investigatione. Cùm enim exotica pluri-
ma sint, eaq; sæpius adulterentur, ita, ut teste Marant.
lib. 1. c. 15. etiam ij sæpè numero decipiantur, qui hâc in
parte exercitatisimi sunt; necessum sanè erit & oculis, &*

G

& linguâ

45.

linguâ & naso perlustrando, gustando, olfaciendo omnia rectè perscrutari, ne dum ipsam Iberiacam intendimus, aliud, & quidem vilius quid inde emergat. Hâc de causa & Gal. ipse l. ad Pison. c. 12. consulit, ne quisquam hujus Antidoti aggrediatur compositionem, antequam singulas medicinas (eò requisitas) diligenter exploratas in promptu habuerit, siquidem unius alicujus improbitas sæpè reliqua omnia corrumpit.

II.

Materiam specialem ad sex classes cum Andromacho referendam censeo, nil nisi doses proportionem respiciendo.

Antiqua licet non raro optima, nonnullis tamen Neotericis raro accepta, quibus nec ingredientium divisio ab Andromacho notata arridet. Verùm decus & τὸ πρῶτον ipsius formula exigit, ut à summâ dosi ad minimas progrediamur. Notavit id Senior noster, & habitâ ponderis ratione sextuplam proportionem retinere voluit, ita ut prima classis ingrediens esset Unciarum sex, secunda quodlibet Unciarum trium, tertia quodlibet sesqui-Uncia, quarta drachm. sex, quinta Uncia dimid. sexta quodlibet drachmarum duarum: peccant huic de oro, quicquid in consignatione formularum medicamentorum à drachmis incipiendo in eodem seu radicum seu aliarum genere, mox Uncias, mox iterum drachmas, mox libras, mox scrupulos absq̃ urgente necessitate formula inserunt, sæpissimè id, quicquid in buccam venit, evomentes.

III.

Ad PRIMAM classem referuntur TROCHISCI

TROCHISCI SCILLITICI ex Scilla præparata cum farina Orobi aut Radicibus Fraxinell. compositi, ut primario contra venena pugnent, secundo calefaciendi, attenuandi & abstergendi sua facultate inserviant.

Cur Trochiscorum, qui & Rotula, pastilli & orbicul Latinis dicuntur, efformatio à Natura - Consulius excogitata sit, non sunt nulla rationes. Nec sine causâ ab Andromacho iidem & hic locum merentur, & tam scillitici, quam viperini & Hedychroi excogitati: aliâ enim Virtus balsamica quorundam simplicium exhalando facilius periret. 2. Scilla & Vipera distinctis temporibus colligenda & præparanda efficaciam suam amitterent; illa enim tempore autumnali effodienda, ha vernali capienda. 3. Ut dum viva apud alios etiam longè distitos non capiuntur vipera, caro tamenillarum per Trochiscos commodè deferri possit. 4. Ut dum Hedychroi aliis quoq; deputati sint usibus, melius asserventur. Valeat itaq; sententia Pansæ qui er. de 4. Antidot. p. 36. supervacaneum censeat & inutile, ut Trochisci efformentur, cum species præparata sufficere possint.

IV.

Tria hic inprimis expendenda 1. Bina ingredientia, Scilla & Orobus seu succedaneum ejus. 2. Compositionis modus. 3. Usus.

V.

SCILLA est herba bulbosa, folia albescentia emittens, caulem sesquipedalem & flores in summitate purpureos, eximiamq; radicem bulbosam obtinens.

Inter alias bulbosas prima merito deferuntur Scilla & propter insignem magnitudinem, quâ reliquas omnes superat, & ob nunquam satis laudatam Virtutem, quam fovet, Germ. dicitur Meerzwibell q. Capa marina, cum ab aliis ad caparum generareferatur & ratione interna externâq; formæ non multum inter se differant, ut differit Tidic. tr. de Theriac. pag: 162. & c. Differentiam nonnulli inter Scillam per i. & Scyllam per v. constituunt, & per Scyllam marinum testaceum pisces designant, ut refert Lobelius in advers. p. 57. vid. Plin. l. 33. Natur. hist. c. 31. verum alii id haud ita strictè attendunt; nam & ipse Theophrastus modo per i. modo per v. Scillam herbam notat, ut videre est lib. I. Hist. plant. c. 7. 10. 16. lib. I. decausis plant. c. 4. 7. & lib. 7. hist. Plant. c. 4. 12. & alibi. Varroni Squilla nominatur, quod nomen & Officina retinuerunt, Vide Carol. Clus. l. 2. rarior. plant. Hist. c. 21.

VI.

Hujus tum Locus natalis, tum qualitates ut & præparatio genuina perlustranda.

VII.

Locum natalem agnoscit in primis Hispaniam & Lusitaniam; his enim in locis crescens optima censetur, & inde ad alias remotiores deferretur oras.

In Apuliâ quoq; & Sicilia colligitur. Tripoli in tanta copia Scillas provenire scribit Tabernæmont. l. 2. Herb. c. II. ut eruta agmina insignia constituent. Inter alias verò causas, quibus nonnulli ad oppugnandam Theriacam extra Italiam præparatam, utuntur, Scilla quoq; col-
loca-

locatur, cum ea alibi locorum non recens, quod Gal. desiderat, è Terra visceribus deprompta, adhiberi possit. Deinde, quòd, cum messis tempore excrecente jam Scapo colligenda sit, simul & solitaria secundum Mejuen rejicienda, tanquam minus apta, non alibi, quàm ubi locorum ea crevit, id observari possit. Verum enim vero, cum radix hac adeò recens ad Nos deferatur, ut etiam Terra implantata, non tantùm in vigore suo detineri, sed etiam germinare possit; adhuc tempus prima effossionis in Hispaniâ notetur, ut & si hic vicissim effodienda sit, messis tempore id fiat, tandemq; ex illis, quæ non solitaria fuit ad Nos deferri debeat; utiq; non video, cur non ejusdem dici possit Virtutis ea, quæ ad Nos, ac ea, quæ ad Italos portatur, cum & illi Hispanicâ gaudere malint, & adverse rationes allata eosdem quoq; feriant. Adhuc cum succulenta est, non facile ad aliquos menses de viribus suis quid amittit, nam, Theophrasto lib. I. de caus. Plant. c. 4. teste, eadem suspensa germen emittit, aggregatum enim in se humorem multum habet. Accedit, quòd nonnulli transplantationem Scilla locum invenire censeant, dùm venenosa ejus qualitas hac ratione eximatur, remanente eo, quòd Alexiterium est, & quasi repagulis aliis semotis, sic exaltetur. Autor est Quercet. qui in Pharm. dogmat. p. 542. suadet, ut Scilla è maritimis locis ad nos delata in hortos transferantur, terraq; bona & exculta committantur, & per tempus aliquòd sedulâ adhibita culturâ & industria ibidem permittantur, donec vitm venenatam omnem deposuerint. Ab hujus mente non dissentit Horstius lib. I. Epist. medicin, p. 403. vid. & Doring. tract. de Opio. c. 5.

II X.

Qualitates Ejus aliæ sunt manifestæ, aliæ

occultæ. Ratione illarum Scilla calida censetur in secundo gradu, quæ & ob acrem illam à Sale proprio possidentem facultatem insigni pollet vi crassos & lentos humores attenuandi & incidendi, obstructa aperiendi, cruda concoquendi: Hinc & in affectibus capitis frigidioribus, ut & pectoris, Splenis & Vteri apprimè utilis.

Dioscor. l. 2. de mater. med. c. 156. acrem & ferventem ei adsignat vim, & quod in Hydropicis, Stomachicis, Jlericis, Tussientibus, Anhelosis & sanguinem rejicientibus proficit. Gal. 2. de simp. med. fac. admodum incidentem ei inesse dicit potestatem, non admodum tamen calidam, sed tantum secundi ordinis, cui & cum Actio terr. I. l. 1. alii quoque subscribunt; nam non tam à calore, ut vulgò statuitur, acrimonia & insignis urendi proprietas, quam à proprio sibi assignato salino principio, eà accredine prædito, ut in Aro & similibus animadvertimus, dependet. Id non animadvertens Mesues l. 2. de simpl. med. purg. c. 5. calidam & siccam in tertio gradu Scillam collocat, & substantiam in super dicit habere superficiariam, igneam, acrem admodum ac terream, adustione amaram, acream denique mediocrem eamque dulcem; Ubi & pluribus de Scilla virtutibus, capitis affectus, nervorum, juncturarum, pulmonum & Thoracis, nec non splenis obstructiones & morbos respicientibus, putredinem in corpore prohibentibus, sanitatem conservantibus, juvenile corpus in vigore diu desinentibus &c. agit. Vid. & Plin. l. c. Gal. II. m. m. l. l.

IX.

Occulta proprietas potissimam in alexiphar,

576

pharmaca Virtute, quâ venenis & venenatis
nonnullis effectibus succurrit, consistit.

*Commorſis à Viperâ in Cataplasmate cum aceto co-
ctam mederi vult Dioscor. l. c. Pliâ. etiam Canum mor-
ſibus applicat. Utrum verò ſpecificâ quâdam qualita-
te, an elementari Epilepsiam proſtigit, non ſine cau-
ſa dubitatur; nam in hoc affectu Scille uſum eximium eſſe
Prædici plurimi teſtantur, ut videre eſt apud Frambeſſar.
Conſult. medicin. p. 103. 108. Plater. tr. I. pr. p. 86.
& alibi. Sennert. lib. I. præc. p. 617. & alios. Ut ut
verò calore & incidendi facultate non parum in pituitosâ
conſtitutione auxiliû præſtet, nihilominus & quid ſpecifici
contra auram illam malignam obtinere, cum inſignis in eâ
aſſit Signatura Capitis & cerebri, non negarem. Occulto
quoq; modo ſeminario peſtilentiâli opponi ex uſu caparum
colligere eſt, de quò pluribus agit Tidic. tr. de Ther. p.
162. At hanc veritati conſonum cenſemus, quod Theophr.
lib. 7. de Hiſt. plant. 12. reſert, quòd ante portas ſata re-
medium ſit contra veneficiorum noxam; ut &, quòd ſec.
Dioscor. ex Pythagora ſententia, ſi rota præ foribus aut in
limine janua ſuſpendatur contra veneficia auxilietur. Cau-
ſam enim hic nullam ſubſeſſe huius effectûs quòq; videt, nî
fortè attractivam quandam facultatem auram venenatam
ad ſe allicientem quis concedat. Haud diſſimile quid Noſtra-
res Muliercula de Hyperico, Artemiſia & alius circa feſtum
D. Johannis collectis occinunt, unde & Valvis adium eas
contra veneficia, imò ipſum Sathanam, aſſigunt; at quò
ſucceſſu, eventus ipſe docet.*

X.

Præparatio exigat debitam ſelectionem &
genuinam Coctionem.

Vario

Varia etiam extra usum Theriacalem ex Scilla parantur medicamenta, utpote Oxymel scilliticum, Acetum Scilliticum & alia, de quibus videantur Dispensatoria & Practici, imprimis verò de aceto Scillis, ejusq; usu agit Gal. 1. de faciliè parabil. p. 248. cujus verba in Dispensat. August. p. 225. reperuntur: peculiaris quoq; tractatus de Aceto scill. Jani March. Durstant. consulatur. Nos his sepositis, quæ ad confectionem Theriaca concurrat, dispiciemus.

X I.

Seligenda est vera Scilla, alba, matura, recens, non nimis inveterata, tempore Messis collecta, quæq; ut volunt, non solitaria, sed aliis sociata fuit.

Genuina cum haberi possit, quid opus est, ut ad Pancratium, quod aliqui Scillam vocitant, & in defectu illius cum Gal. 8. de simpl. med. fac. c. de Pancr. substituunt, deveniamus? superiori seculo id facilitatum esse ex March. in lib. 2. Dioscorid. c. 168. in sch. constat. Convenit sanè utraq; Planta inter se tum quoad magnitudinem, cum nonnuncq; Pancratium ferè caput hominis adæquet, tum quoad germinationem, quod hoc caulem floresq; prius gignat, quàm folia, æquè ac Scilla, referente Theophrasto 1. 7. c. 12. differunt tamen, quòd Scilla testimonio Dioscoridis & Plin. alòes folium simile obtineat, Pancrati folia verò ad liliarum formam accedant: deinde quòd illa, iisdem attestantibus, ter in anno floreat, hoc verò non; tertio, quòd illa amaritudine, acrimoniâ & virium præstantiâ, quod & Gal. loco allegato voluit Pancratium vincat: Sed & alba, imò albißima Plin: expetitur, non quæ per coctionem talis evasit, sed naturâ suâ ita conspicitur, cum & ru-
bra

umbrâ, quo radii Solares non pertingunt, exsic-
cantur. Cor medium, unde germen enasci so-
let, abjicitur, demùm contunduntur omnia &
in pulverem rediguntur.

*Modum hunc depingit Pontanus in consil. VVitich.
p. 602. quem desumpsit ex Gal. I. de Antidot. c. 9. & de
Theriaca ad Pis. Vestigijs hac legunt Augustani in Di-
spensat. Marant. & alii. Tria hic insuper dispicienda.
I. Utrùm extractio, quam habet Quercetanus Pharm.
dogmat. p. 515. Galenicæ præparationi præferenda
sit? Ille enim acetum rosaceum Scilla superaffundit, quò
per fermentationem omne deponat venenum, deinde addit
lac vaccinium recens multum. sinitq; in B. omnia ebullire,
donec liquefacta sint, qua per linteum colat, colaturam ad
lentum ignem cinerum sinit evaporare ad Extracti sicci for-
mam. Qui modus & Pansa arridet tract. de 4. Antid.
p. 37. Verum enim verò nullum hic desiderabatur extra-
ctum, sed corpus ipsum in pulverem redactum, nec n. ubi-
us locorum Extracta valent, cum plus emolumenti inter-
dum ab ipsâ substantiâ expectetur. Adhæc cur aceto infrin-
gere conatur vim venenatam, cum nulla venenosa qualitas
verè sic dicta Scilla insit, sed amaro Sale nimium abundan-
te potius peccet, qui tamen nec aceto corrigendus, nec lacte
mitigandus, cum maximam Theriaca adferat utilitatem.
Quæ tamen, si aceto Scylla paretur, vis ipsius medicamenti
exacuetur, docet Plinius. Deinde monet Quercet. l. c.
p. 185. & 461. ut Cor seu media Scilla pars asservetur:
quòd si verò per Cor intelligit internum illud, unde Germen
enasci solet, vexet subscribitur, cum & exiguum hoc ipsum
sit & plurima Scilla præter necessitatem ad trochisci unius
vel*

vel alterius confectionem exigantur, adhuc majorem hac pars germinandi, quam venenis resistendi vim obtineat. Si verò per Cor internam illam substantiam, qua magis tenera est, & alii teste Marant. p. 70. medullam, alii Cor vocant, quæ foliis tribus aut duobus externis circumdatur, innuit, cum Andromacho facere videtur. Tandem monens, ne ferreo, sed ligneo cultro Scilla incidatur, foris quod à ferro facile rubiginem quandam venenosam extrahere possit.

CAPVT SECVNDVM.

De

ERVO & SVCCEDANEO
EIVS.

Aphor. I.

Jungitur Scillæ in formandis trochiscis farina Ervi. Hic pensanda veniunt 1. quid sit Ervum? 2. Cur Scillæ jungatur? 3. quodnam aptius censeatur succedaneum?

11.

Ervum est semen Fruticis Ervi in siliquis proveniens, calidum in primo & siccum secundo gradu, amaritie suæ crassos humores incidens, extergens & ab obstructione liberans, venenatisq; simul moribus succurrens.

Ignorantia velo involutum ante hac tempora fuit, qualisnam frutex ervum esset; cum n. variis nomen hoc assignetur Plausu, ut videre est in Pinac. Bauhin. l. 3. f. 3. p. 343. 344. 345. non mirum, quod alii pro Revisione s.

Ervilia, alii pro *Cicerculãnt* & *Mocho* venditãrunt, idipsum tamen ab his differre pluribus docet *Silvatic.* l. 1. de *Theriac. composit.* p. 43. qui & cum *Maranta* censet, verum *Ervum* notis à *Dioscorid. Theophr.* & aliis descriptis probè respondens *Ferraria* & *Mantua* provenire & inde haberi posse. Dicitur & *Orobis*, πὰρ τὸ ἐπέθετο τῶν βοῶν, quod *Boves* eo vescantur & saginentur. Frutex est, referente *Dioscorid.* l. 2. c. 131. exiguus, foliis angustus, floribus in candido ceruleis aut puniceis (teste *Fuchσιο hist. plant.* c. 218.) in siliquis parva gerens semina instar pisorum se invicem tangentis. De *erobo Pannico* consule *Closum* l. 6. rarior. *plant.* c. 44. Qui illud ipsum antequam in farinam redigitur parandum sit, tradit *Dioscorides* l. 2. de *mat. med.* c. 102. & ex *co-Tidic.* p. 166. de quantitate eius ad deformationem *trochiscorum* necessaria pluribus disserit *Silvatic.* p. 46. & 49.

111.

Miscetur *Scillæ*, ut hujus facultas medicamentosa, quã & *Venenis* resistit, simul & incidendi & attenuandi vi pollet, simili augeatur, adhuc quod volatile in *Scilla* est, *Ervi* crassitie figatur.

Ut *Scilla* ita & totius *Theriacæ* virtutem adauget. *Ervi* farina. Non ergò absq. consilio & ratione ab *Andromacho* ea introducta fuit, multo minus ut noceret, quod *Pansa* l. c. ei imponere voluit, qui farinam hanc removendam censet, cum crassioris sit substantia, & vena inde obstructionem patiantur, vis *Theriacalis* impediatur crassiorq. & minus efficax reddatur. Verum enim verò licet ipse *Dioscorid.* l. c. *Ervum* capiti onerosum esse, alvum esu turba-

re, sanguinem per urinam ciere dicat. Gal. I. de alim.
 facul. 29. Boves eruo prius in aquâ dulcorato pasci. &
 hominibus hand convenire statuat, tamen de crudo & qua-
 tenu pro alimento in usum trahitur seorsimq; usurpatur,
 uterq; loquitur: Ubi verò cortex terrestris costione artificii,
 ali removetur, & molita farinario cribro depuratur, aliis
 terrestitatem vincentibus permiscetur, nec pro alimento,
 sed medicamento expetitur, ibi sanè, cur non usurpari pos-
 sitationes hand pragnantes video, inprimis cum venena-
 tis morsibus medeatur, & facultatibus suis Scilla non ad-
 verferetur. Quid? quòd ignovitas Scilla, qua in Sale volatili
 residet, & facile exhalare posset, terrestitate Orobi ad-
 huc dùm remanente, quasi sistatur & diutius conservetur.
 Hinc & Rondeletius Scillam amarore Ervi à putredine
 conservari censuit.

IV.

Succedaneum ejus malè alii medullam pa-
 nis candidi, vel etiam Ciceres rubeos, veriùs
 vel Fraxinellam vel Lupinos substituimus.

Silvatic, quidem p. 46. hand opus esse asserit, ut de
 alterius substitutione solliciti simus, cum verum Ervum in
 Italia haberi possit, cum verò non ubi vis locorum id ipsum
 reperiat, nec ad nos in tanta copiâ deferatur, meritiò de
 genuino ejus succedaneo cogitare poterimus. Dessenius
 referente Tidicæo p. 166. ex consilio Damocratis medul-
 lam panis candidissimi seligit. Rondelet, tr. de Theriac.
 scribit Pharmacopæos solitos fuisse assum panem assumere,
 quasi verò solam missionem Andromachus tantum respexe-
 rit, non verò qualitatem Scilla respondentem & Theriaca
 inservientem. Ciceres rubeos seligant nonnulli cum No-

rinbergensibus, at minus concinne, cum facultates inter se
 haud parum differant. Hi enim in primo gradu sunt cal.
 & siccī Ervum sicum in 2. Hoc veneno adversatur, illi
 minime; hoc insigni prae ditum est amaritudine, illi, ut exi-
 guum possident amarorem, ita & reliquas infirmiores qua-
 litates. Augustani imitantes Gesnerum radicem Fraxi-
 nella, quae & Pseudo-dictamnus, Polemonium &c. Germ.
 Aeschwurz dicitur pro succedaneo assumunt, nec male.
 Fraxinella enim calida & sicca est in secundo gradu, insi-
 guem obtinet amaritudinem adversus venenatos morsus
 & pocula infecta valet, in peste adversus contagium, do-
 cente Dodonzo in Hist. stirp. usurpatur, Epilepsiam pro-
 fligat, vermes necat, Ventriculog. conducit, ut pluribus ejus
 Virtutes delineat Taberna mont, l. 2. p. 455. Hinc fa-
 cile quivis magnam hujus cum Scilla & Ervo convenienti-
 am colligere valet. Ea de causa & in Officina nostra Pan-
 zertiana haecenus loco orobi farinam Fraxinella Medici
 substituerunt. Ut ut verò radix semini non respondeat, ta-
 men magis hic interna forma attendenda. Hinc Succedaneo
 aequivalent, si non superant, Lupini hortenses (sylvestres e-
 nim, cum calidiores & magis amari, ab Ervi similitudine
 magis recedunt) qui Germ. dicuntur Feig oder Wickboh-
 nen / nam in caliditatis & siccitatis gradu cum Orobo con-
 veniunt, amarum sapiunt, venenis resistunt, & venenatas
 herbas propè ipsos collocatas exarescere faciunt, teste Mat-
 thiol. putredinemq. cohibent, sicq. non parum utilitatis
 Scilla conferunt, & in Orobi locum commodè substitui
 possunt.

V.

Compositio Trochiscorum scillit. sic per-
 agitur: Scilla & Succedaneum in pulverem re-
 ducta

ducta invicem miscentur, & cum tantillo Vini summâ diligentia & ex arte tenelli & subtiles inde Trochisci efformantur.

Avicenna, Hal. & Serap. precipiunt, ut digiti Ministri efformantis pastillos hosce oleo rosaceo inuncti sint, cum farina suâ natura aspera haud dextrè seligi & facile digitis adharere possit. Quod verò Silvatic. c. 4. ut & ille vinum admiscet, id exigui esse momenti censeo: licet enim Andromach. & Gal. Vini non meminerint, nec alii rationem admiscendi Vini exhibuerint, tamen illud consilio fecerunt, cum omnibus notum sit, farinas sine liquore in Trochiscos abire non posse, & quemadmodum ad totius misionem Vinum experitur, ita & hîc. Rationem suggerit ipsa necessitas, ut & vis à Vino expectanda. Utrum verò Scillitici ante Viperinos sint conficiendi, disputant inter se Marant. l. l. c. 10. & Silvat. p. 34. qui consulantur.

VI.

Vfus restat, qui primarius est, ut Trochisci hî contra venena venenatosq; morbos pugnent; secundarius, ut excalescendi, attenuandi & abstergendi virtute causis morbisq; contrariis aduertentur.

Cum Theriaca primario huic scopo inserviat, ut alexipharmacâ suâ potestate venena domet, venenatq; affectibus opponatur, talia quoq; ingredientia ei fuerunt addita qua hac facultate essent prædita, inter qua haud postremum sibi hî Trochisci post Viperinos vendicant locum, ut ex supradictis censetur.

CLASSIS SECUNDA.

De
**TROCHISCIS VIPERINIS, HEDYCHROI, PIPERE LONGO
 ET OPIO THEBAICO.**

CAPVT PRIMVM.

De
TROCHISCIS VIPERINIS.

Aphor. I.

SECUNDÆ CLASSIS INGREDIENTIA SUNT QUATUOR: duo composita & totidem simplicia. Illa sunt Trochisci viperini & Hedychroi; hæc piper longum & Opium Thebaicum.

II.

TROCHISCIVIPERINI constant ex carne viperinâ præparata, pane probè cocto & jusculo carnis viperinæ.

Trochisci hi Gal. Aetio & aliis Theriacales quoque dicuntur, nonnulli Thiri seu Ferales, ut & Orbiculi ex vipero. Hos ipsos veneranda Antiquitas multis retro sæculis in hac usque tempora primum constituerunt ingrediens & Basim Theriacalis compositionis, cum eximios & adversus venena & alia mala exhibeat effectus. Inepie verò Schillerus in Epist. medicin. Scholtz. 92. illos omitti posse putat, quasi nihilominus suam Theriaca retineret efficaciam; nam & isipse parum sibi constans, Antidotum hanc adversus viperarum morsus viperarum additione pugnare, paulo post subjungit.

Duo

III.

Duo hic imprimis expedienda i. in genere Natura & Qualitates viperarum; Deinde in specie earundem captura, præparatio, Trochiscorum efformatio, horumq; usus.

IV.

Vipera est animal serpens venenatum, longitudine ut plurimum cubitali, capite presso, stricto, collo angusto, crassitudine baculi, in cuius dorso catena multis variegata coloribus conspicitur. Oculi truces, subrubri, sæmella quatuor, mas binos possidens dentes: Virtutem & Venenatam simul & Alexipharmacam & Balsamicam intra se fovens eximiam.

Sunt qui Viperas dictas putarunt, quod vi pariant, & in partu earum viscera rumpantur & dilacerentur, quod tamen à Veritate alienum observavit Amatus Lusitanus, qui Cent. I. obs. I. testatur, gravidam Viperam à se in pyxide asservatam, postmodum partus suos vivam atq; integram absq; omni noxa exclusisse illasq; permansisse. Scalliger exerc. 201. se vidisse refert viperas enatas in lignea quadam Circulatoris theca, parente salva. Monet insuper Amat. l. c. Arist. locum 5. de generat. animal. c. ult. male à Plinio intellectum, nec n. illum hoc innuisse, quod catuli interna viscera partus tempore rumpant, sed, quod tantum membranulas, quibus involvuntur; aut, ut habet Matthiol. in Diosc. quod qui tardiùs eduntur catuli (tardiùs autem idèò excluduntur, quod vipera singulos singulis diebus pariat) membranulam quandam, quâ in Utero Ma-

iris obvolvuntur: abrodant, ut citius in lucem prodeant.
 Rectius alii viperam, q. viviparam nominatam existi-
 mant, quod inter omnia serpentum genera sola vivos pariat
 catulos, unde & Nicander:

Sola etenim vivo gravidatur vipera fatu.

Mortuacum reliquam passim genus ova reponat.

Squammi gerosq. gregos per inhospita tesqua propaget.

Vid. Zacut. Lustr. l. 5. Princip. Med. hist. l. Comm. &
 Cælium. Rhodig. l. 6. antiquar. lect. c. 13. 16. & l. 23.
 c. 26. Græcis mas. dicitur ἐχίς, semina ἐχιδνα. Germ.
 Brandtschlangen / Ottern.

V.

Qualitates ejus sunt aliæ manifestæ, aliæ
 occultæ: Illæ consistunt in frigiditatis & siccita-
 tis gradu: hæ verò in Venenosâ, Alexipharmi-
 ca & Balsamicâ facultate.

Temperamentum aliorum serpentum, isa & Viperarum
 dubios reddidit Natura Consultos: hinc alii calidita-
 tem, alii frigiditatem eis assignant, omnes tamen ad unum
 in siccitate conveniunt, Cum Avicenn. Rhas. & aliis
 Aer. tetrab. l. sem. 2. c. 170. Paulus Egineta l. 7. 5.
 de viper. Viperas calidas esse affirmarunt, moti hisce, quòd
 carnes digerendi facultate polleant, oleumq. illarum, teste
 Gal. 2. de loc. affect. c. ult. maximè resolvat, quòd insignem
 viriditatem, agilitatem & ferociam præ se ferant, quòd
 symptomata nonnulla caliditatem quandam arguant, Hisce
 subscribit Zacut. l. 2. Hist. Med. princ. p. 660. Verùm
 Grevin. Claromont. l. 1. de Venen. p. 20. profrigiditate
 cum Gal. seqq. pugnat. 1. quòd serpentes, si manibus
 tractentur, etiam mediâ astate, frigidiores eas reddant, idq.
 seipsum

seipsum in febre quadam ardenti percepisse ; cum n. Serpente oblato manibus tractaret, instar glaciei frigidum quoddam sensit. 2. quia vipera minus sanguinis obtinet, quam reliqua animalia, ab illius autem abundantia caliditatem denominari in confesso est, 3. quia cutis earum dura est & densa, admodumque solida, quod autem pellis alicuius animantis plus de laxitate & pororum augustia participat, eo plus etiam de calore. 4. quia voracia sunt animalia, parum bibentia, appetentiam a. frigiditate stimulari experientiam docere notat. 5. quia ob imminutum calorem frigus perferre nescientem per aliquot menses hyeme latitant. 6. quia absque cibo tanto temporis spacio in Terra gremio, solo interno pabulo contenta vivunt, vult a. Gal. l. c. quod animalia, qua frigidioris sunt Natura per hyemem ob frigoris vim, ac si mortua essent, latitare soleant : subscribitur hisce Mercurial. lib. 2. de Venen. cap. 3. Alii ex symptomatibus post morsum apparentibus frigiditatem colligunt, Verum enim verò, si de naturali Viperarum temperamento, & quatenus ad hominem vel alia calidiora animantia referuntur sermo nobis est, frigidiores esse suo modo Viperas nemo negabis ; prater naturam verò, si irritata bile perfunduntur, exhalationibusque calidioribus inquinantur, a frigiditate illaremittunt : nam & semella alias frigidiores incitata facile excandescunt flammamque concipiunt. Deinde symptomata illa seu caliditatem seu frigiditatem arguentia, nullatenus a primis qualitatibus deducenda esse statuo, cum a Veneni Naturam promanent. Quod verò Caro in primis separata ab aliis partibus maximam resolvendi vim polleat, id a Sale sui generis & Bezoartica virtute ad ambitum corporis materiam internam promovente, proficisci haud obscurum est. Viscoso verò nutrimento, quo tot mensibus re-

creantur & sustentantur, abundant, in quod lenior, qui in illis est calor, mitius agit, donec Vere adventante virces sensim sensim recolliguntur.

VI.

Venenata Natura ex lethalibus, quæ ex morso ejusdem proveniunt, affectibus, certissime elucescit.

Quam varia & dira Symptomata à Viperino morso oboriantur, exempla notata monstrant. Amat. C. 1. c. 1. puellam quandam lesam refert, quæ plurimas ac varias rubras ac lividas in parte lesa percepit maculas, successit vomitus biliosus, tremor totius corporis, Vertigo, animi deliquium. Paræus idem in seipso experiri esse tradit l. 20. Chirurg. c. 16. Grevin. de Pharmacopola quodam refert, qui similiter lesus vix horâ elapsâ insignem partis vulnerata intumescensiam cum vehementissimo dolore percepit, sex horis verò elapsis vomitus amarabilis, totius corporis refrigeratio & similia successere. Nonnulla hic paucis investiganda veniunt. 1. An somnus profundus, Congelatio sanguinis circa cor, caloris naturalis mortificatio, sudor frigidus & similia symptomata morsum viperinum subsequuntur, ut & quod vinum vehementiam veneni corrigit, frigiditatis principio adscribendum? Neutiquam, sed veneni, totâ substantiâ peccantis, ea est indoles, ut & hæc & alia frigiditatē arguentia pro diversitate objecti, producat symptomata. Quod verò vinum alexipharmacam obtineat naturam, nec quâ calidum veneno viperino opponatur, alibi vincetur. 2. Quâ ratione æruginosa morso affecti reddatur natura, & quidem illico, ut referunt Autores? Exiguam sanè bilis vul-

neri

neri infunditur, at id tanta est activitatis, ut non tantum
 statim interfectioni tradat animalia, quod Baldus Ange-
 lus experimento comprobavit (cum n. canibus & felibus
 fel viperinum objecisset, animantia hac illico interiére, at à
 corde, Hepate & carnibus devoratis nil mali senserunt) sed
 & massam sanguineam fermentando ita disponat, ut icteri-
 cus illico subsequatur color. 3. An sitis vehementissima,
 quâ vulnerati excruciantur à siccitate veneni prove-
 niat? Id sanè plurimi affirmant, & exinde siccitatem Vi-
 perinarum carniû adstruunt, at rectius à veneni qualita-
 te & naturâ deducitur, cum tanta siccitas introduci neque-
 at, ut immoderata illa sitis inde proveniat. Mirum verò,
 qui vipera post morsum ipsa excrucientur siti veneno aliis
 communicato, an quod divina vindicta hanc ei indiderit
 pœnam, quam pro malo homini inflictio ferre coguntur?
 4. Quâ in parte deleterium hocce delitescat? Ut
 plurimum animalia venenata certis duntaxat in locis Ve-
 nenum sœvent, in ceteris verò ad varios usus prosunt, quod
 de Dracone marino spinam tantum in dorso planè venena-
 tam gestante, partibus ceteris cibum delicatiss. notum est. Ita
 & Vipera certis tantum in locis venenû obtinet, imprimis in
 vesiculâ fellis, unde duobus meatibus ad gingivas tumentes
 seu dentium vesiculas id ipsum derivatur, ibidemq; delite-
 scens morsu partibus communicatur; quod & ob volatilita-
 tem suam facillè caudæ & cuti extremis scil. partibus, quo
 exinde venenata evadunt, deferri potest.

VII.

Alexipharmaca Virtus in potioribus Vi-
 peræ partibus hospitatur, quæ felicem in expel-
 lendis malignitatibus & venenis, & ab iisdem
 præservandis spondet effectum.

*Diversaimò contraria in uno eodemq; Subjectoratio-
 ne diversarum partium & principiorum residere ex Gal. I. aph. 28. Gal. I. de simpl. med. facult. c. 21. & 24. & I. 2. c. 13. I. 3. c. 14. & 15. I. 4. c. 37. Langio I. 2. epist. 33. Trincavell. epist. 24. & aliunde manifestò liquet: Hinc
 & animalia venenum tantum in aliquâ sui corporis parte
 foventia, Balsamum simul, quo iudò contra venena uti licet,
 possident. Scorpii ictum, Scorpius impositus sanat: Oleum
 Scorpionis certissimum esse alexiterium contra Scorpionis ictum
 & alia maligna cum experientia loquitur Paræus I. 20. Chir. 22. vid. & Matth. I. 3. in Dioscor. c. 11. Cels. I. 6. c. 17. Licet verò in vesicula fellis Vipera quid deleteri
 rii contineant, relique tamèn ferè singula partes quid salutare.
 Cor viperarum ad Solem exsiccatum & pulverisatum
 Veneno adversari & ex corpore nostro eliminare asserit
 Noll. prodrom. Phys. p. 52. Ictur earum coctum & as-
 sumtum immunes reddit à Serpentum ictu teste Cælio
 Rhodigin. I. 6. lect. antiq. c. 116. Spina ut & pinguedo
 ab aliis in medicum usum trahuntur. Ex cute exsiccata &
 s. a. pulverisata elegans sit remedium in vulneribus à viru-
 lentis bestiis influctis, ut & cancris & malignis ulceribus.
 Quantum Virtutis carnibus viperinis insit, infinita testatum
 faciunt exempla. Gal. II. I. I. de simpl. medic. facultat. c. 2. & lib. de subfigur. Med. c. 12. eas contra morbos ma-
 lignos & ferè desperatos utiles esse refert: Curatione diu-
 turnarum morborum easdè in servire tradit Zacut. I. I. princip. med. hist. p. 589. Aetius tect. 4. s. I. c. 123. docet, quosdam
 vipers totas extendere, exsiccare & postmodum terere, ac
 eas in potu contra morbum articulare exhibere: Incre-
 scentes strumas esu viperarum reprimi ex Dioscor. I. 2. c. 16. constat; Hinc Falliopijs de tumorib. p. n. c. 9. sic
 inquit:*

inquit : Sive carnes viperinas coctas edas, seu potes, aut co-
strumofam partem laues, aut vinum assumas, in qua ipsa fue-
rint extincta, vel Martios panes aut Pastas regales, adje-
ctis pulli aut Caponis pectore, saccharo, amygdalis aut Zingi-
bere permixtis, ultimum & efficacissimum pro strumis aliisq̃
cutaneis affectibus experieris auxilium. Vini viperini effi-
caciā in pellendis strumosis & gallicatis affectibus depra-
dicat Mercat. l. 2. de morb. Gall. c. 3. Veram autem esse
antidotum contra elephantiasin Historia sūm à Gal. l. c. ut
& lib. 2, ad Glauco, c. 10, sūm ab Æginet. l. 4. de remed,
c. 1. ut & aliis allegata confirmant. Nec est, quod hic more-
mur Palmarii objectionem, quod nec Ipse nec Fernel. à Vipe-
ris, quocunq̃ modo preparatis, Elephantiacos curatos vide-
rint. Tot enim Historiis, curationibus, experientiis à Me-
dicis notatis dicam scribere arrogantis impudentia & im-
pudentis arrogantia signum esset, forte enim vel insanabilis
erat illa elephantiasis, vel non cōmoda Viperar: preparatio.
Gallo cuidā leproso imperatum à Medico Gattinaria, ut co-
mederes carnes viperinas, quod cū fecisset, primitus qui-
dem accidentibus variis fuit obrutus, at mox diversis bubo-
nibus per partes corporis obrutus & ad saniem deventus, o-
pime curatus & restitutus fuit. Deniq̃ carnes veneni ve-
nenatisq̃ morbis resistere omnes Medici uno ore loquuntur.

III.

Balsamicam Virtutem, balsamo nostro
naturali maximè congruam, Viperis inesse &
Natura illarum & effectus docent.

Duo sunt, quibus veritas hujus apher. fulcitur I. Na-
tura Viperarum, cū n. renovandi & restaurandi facultate
palleant, & quotannis bis, Vere scil. & Autumnō, anti-
quas

quas suas deponant exuvias, rectè exinde colligimus, Aethereum quoddam Balsamum eis inesse, cuius Virtute id, quod pluribus animalibus denegatur, perficitur. Inepiè autem elementaribus qualitatibus aut certè earundem missioni quis acceptam ferret tantam potestatem, tantam facultatem, multo minùs forma alicui speciali, qua alteri Subjecto communicari haud possit. 2. Effectus per experientiam confirmatus; Virtutem n. illam renovandi Balsamo naturali, imprimis Mumia inhaerentem aliis imprimi posse viperarum esu & usu sequentia docent. Solenand. l. I. consil. 25. literis consignavit, implumes evadere pullos gallinaceos post usum continuum Decocti carnis Viperinae, successu tamen temporis plumis rursus vestiri. Silesius quidam post usum pulveris Bezoardici animalis prophylaxeos gratià assumti, singulis postmodù Periodis vernalibus excoarationem quandam non sine pruritu totius Corporis sensit, nova illicò succedente cuticulâ, & viribus vegetioribus redditis, cuius & Clar. Olhaf. in disquis. de Seminar. pest. c. 3. disquis. 2. meminit: aliis haud dissimile contigisse prodiderunt Medici. Huius Balsami Virtute balsamum nostrum radicale exaltatur, roboratur, conservatur, fovetur, & ad expellendos morbos mirum quantum disponitur. Dioscor. l. 2. c. 16. corpus nostrum in vegetâ permanere constitutione, longavitatemq; usu viperarum succedere, meminit. Hinc cum Crateri antiqui Medici seruo, caro tota ab ossibus abiret, & caetera remedia nil opis attulissent, periculo inventa vita fuit, cum à Vipera mors quaereretur, ut ex Petro Victorio refert Heurn. l. 2. meth. med. p. 99. Clar. Nicol. Olhaf. Med. Gedan. Reip. ordin. in epist. quâdam ad me exarata praedictorum fidem facit; Magnam enim Florentia Ducissam, Aviam moderni Magni Ducis Florent. Ferdinand. II.

in decrepita atate vegetam adhuc & firmam esse, scribit, idq. adscribi, quod Capis, qui hols ex pane similagineo & car- nibus viperinis paratis vescebantur, ferè quotidie nutritur. Viperas coctas & comestas ad visus alacritatem, ad robo- randos nervos debilitatos, ad inhibendam scrophularum generationem plurimum conferre, testis est Dioscorides. An- tonius Musa Caesaris Augusti Med. cum incidisset in ulcera insanabilia, viperas edendas usurpavit, & mirà celeritate ea persanavit. Imò hac ipsà simul balsamicà facultate ro- boratam Naturam ad expellendum virus Elephantiacorum insurgere, haud à veritate alienum est. Innuat id Vid. Vi- dius p. 2. medic. s. 2. 1. 5. c. 8. Viperam totà suà substantià efficere id, ut extima pars affecta, quasi serpentum senecta resolvatur & decidat. Quercetan. balsamicam hanc Vir- tutem expungere videtur in Pharm. dogmat., eo quod tro- ebisci inde parati seipos adversus putredinem haud defen- dere possint. parati enim quotidie vertuntur, balsamog. alio inunguntur. Verùm constantiam dictorum à Quercetano desidero; paulò ante enim Balsami Eiberei radicalis in Vi- peris existentis potestate renovationem illam fieri statuerat. Verùm & aliis Mumis, quibus similis vis balsamica non de- negatur, idem contingit, ut aeri exposita facile putrescant. Brutorum carnes, ut nil de humanà dicam, quibus quotidie ad roborandum balsamum innatum fruimur, putredo, in- primis tempore calidiorè, facile corripit, nemo tamen balsa- micam facultatem iis denegabit. Quid verò alii ex Dioscor. proferunt, quasi usu carnium viperinarum pediculi in cute procreentur, cui & Gal. non contradicit, dùm II. simpl. med. facult. c. 2. certò iis accidere id asserit, quibus pluri- mum mali succi in corpore exsuperat, id sanè vix tanti est, ut dignitatem balsamicam Viperin. carn. infringere possit. Nam ut ex aliorum relatione id Dioscorid. allegat, ita pro- pria censura ridiculum exclamat. Gal. a. facile assentimur,

quod scilicet sanis id non eveniat, sed Cerebrymiâ turgidâ
 ande alexipharmacâ Virtute vitiosi à centro ad circumse-
 rentiam propelluntur humores, qui in Cute subsistentes in
 dispositu vermiculos procreant. Nonnullis populis viperin.
 carn. in quotidiano sunt usu, viperisq; ii, ut nos anguilli, ve-
 scuntur; animalcula tamen ejusmodi pedestria apud illos
 conspici, nemo Auctorem tradidit.

IX.

Hinc indubitatò inferimus: Viperas, non
 quatenus venenum aliquod intra se fovent, sed
 quatenus alexipharmacum seu balsamicum quid
 obtinent, ad Theriacæ confectioem adhiberi.

Quem ob finem Andromachus Senior Viperinas The-
 riacali compositioni admiscerit carnes, non una est omni-
 um sententia. Sunt qui ob venenatam, quam possident, fa-
 cultatem, id facultatum autumant; Vel, ut habet Marant.
 & Thom. Jord. de pest. phænom. ob similitudinem quan-
 dam, dùm venenatae carnes viperina alia venena assumpta
 s. inflata analogiâ quâdam sympatheticâ desiderant & pe-
 tunt, sicq; alexipharmaca carnibus permixta, manu q. du-
 cunt ad alia expugnanda; vel ob contrarietatem, quâ vene-
 num veneno adversatur. Ita Plin. l. 27. natur. hist. c. 7.
 asserit, hominem veneno infectum liberari, si aliud vene-
 num sapius assumerit, eâq; de câusa pulverem Serpentum,
 Doronicum, Vomitam & similia intra corpus propinari, ut
 venenum à veneno sibi contrario expugnetur; Ea est, in-
 quit, Aconiti natura, ut hominem occidat, nisi inveniat,
 quod in hamine perimat, cum eo solo conflatur, velut pari
 inius invento. Sola hac pugna est, cum venenum in visce-
 ribus reperit, mirumq; exiti alia ambo cum sint, duo venena
 in homine commeruntur, ut homo super sit. Vid. Joubert.
 Decad. 2. paradox. 19. p. 145. Verum enim verò nec an-
 tistillum

77.

illum veneni carnibus viperinis per se inesse ex suprad.
 constat. Quod si quid deleteria qualitatis adhuc dum re-
 tinerent, qui Theriaca praeseruationis gratia assumi possent,
 cum nullum in corpore existeret venenum, quod vel simili-
 tudine vel contrarietate quadam ab eadem expugnari pos-
 set? nonne venenatum medicam. nostra natura adversum
 esset? nonne venenum veneno additum augmentum cape-
 ret, negotiumque Natura faceretur? Sed & Sales Theriaca-
 les, Trochiscosque Viperinos per se in usum medicam venire,
 nemo inficias ibit, quae si veneni essent stipata, ipsissimam
 mortem, neutiquam vero salutem, adferent. Cl. Tidicæus
 tract. de Theriac. p. 126. hanc fovet sententiam: Carnes
 scil. viperinas, tanquam Natura humana adversas, stimu-
 lum quendam Natura medicatrici addere, ut eo fortius ad-
 versus venenum receptum insurgat, ejusdemque expulsioni
 studeat, imò, ut eò alacrius & potentius alexipharmaca in
 actum deducantur, mentemque in super suam explicat & declarat
 usupurgantium medicamentorum, quae similiter stimuli qui-
 dam Natura sunt ad expellendum noxios humores. Sed &
 huic sententia non parum difficultatis subest. Primum n. si
 caro viperina Natura nostra adversa est, duplici ea post in-
 gestionem ejusdem obruitur malo, & à Toxicum accepto & à
 carne viperinâ adversa, unde non potest non malum, quod
 imminui debebat, augeri. Deinde adversum illud vel in
 manifestis vel occultis residet qualitatibus, in illis non, quia
 nulla excedens in viperinis reperitur carnibus; haec vero sunt
 & Bezoardica & Balsamica, natura nostra maxime arri-
 dentes, & eidem contra Toxicum familiaritate quadam
 succurrentes. Tandem in adversum illic Natura neuti-
 quam ager, cum id ipsum potius fastidiat: at viperinas car-
 nes ita actuat, ut sibi easdem familiares reddat, inque succum
 & sanguinem convertat. Similitudo illa cum catharticiis
 nulla est, quâ ratione enim hac operationem suam exerceant

alibi demonstratum. Concludo itaq; statuendo, quòd Alexipharmacum illud, quod carnes viperina possident, innatâ sibi proprietate venenum à corpore susceptum invadat, id ipsum oppugnet, & si viribus superius sit, simul expugnet. Balsamicum verò Naturam nostram juvet, roboret, confortet, quò contra venenum simul insurgat, sicq; vim Alexipharmaci exaltet, veneni verò infringat & imminuat: Eâ facultate specificâ omnia partibus morbo affectis dicata & vitiosa morbificum & Naturam nostram respiciunt, illud debellando, hoc roborando.

X.

Captura Viperarum singulari in Italiâ peragitur artificio, fitq; imprimis ad Veris ferè finem, & non nisi foemellæ reservantur, &, prægnantibus abjectis, illæ seliguntur, quæ ætatis sunt integræ & optimi vigoris.

Hic dispendendum: Primò; Cur Viperæ aliis Serpentum generibus in confectioe Theriacæ fuerint prælatæ? Rationes seqq. dantur, 1. quia illa respectu aliorum serpentum minùs exitialem possident facultatem; in Disade enim Basilisco, Dryino (quem adeò venenatum proclamant, ut pedes eundem calcantium excoriet, & crura intumescere faciat) Hemorrhoo, Marasso, Cenchride, intensus est venenum & perniciosus, testibus Gal. de Theriac. ad Pison. c. 9. Marant. p. 8. Silvatic. p. 12. 2. quia quidam Serpentes toti venenati, nec tantillum laudabilis & medicati succi obtinent. 3. quia experientia magnam Viperis inesse vim alexipharmacam multis abhinc seculis edocuit. Secundò: An non Colubri nostri substitui possent? Non inefficaces & illi sunt in pellendo veneno, quod pulvis ille Bezardicus animalis dictus satis superq; comprobat, nam & præservationis & curationis gratiâ tutissimè, ac non sine fructu
 usur-

asurpatur, ut in primis videre est apud Conradum Medull.
destillat. part. 2. traq. 27. Quercetan. Alexicac. 1. 2. c.
5. Untzer. tr. de Pest. Conveniunt insuper in eo cum Vipe-
ris, quod suas quotannis quoq. deponunt ex vias. Nihilomi-
nus tamen cum Cl. Horst. 1. 4. epist. medic. s. I. p. 402. a
viperarum usu non facile discedendum dixerim, tam quod
Antidotus Theriacalis in Prussia confecta max alia diceret-
tur ab illa, qua Venetiis & Patavii paratur, quam quod An-
dromachus & post ipsum alii prae nominatis de causis vipe-
ram pra reliquis speciebus selegerint. Ipse quoq. Quercet.
Pharm. dogmat. p. 58. asserit, minimum esse dubium, quin
praestantioribus Vipera polleant Virtutibus, quam alii Ser-
pentes. Ea q. de causa Veteres summo cum emolumento me-
dicamentis ex Viperis paratis usi fuerunt, ut ex Theoph.
Dioscorid. & aliis patet. Videantur Aetius tetr. 4. s. I. c.
97. Dispens. August. p. 212. ubi Sales Theriacales descri-
buntur. Tertio; Utrum Vipera in Prussia nostra repe-
riantur, & exinde trochisci formandi? Certum est, hic
locorum quoq. dari Viperas. Ante annos aliquot Experien-
tissimus Casparus Pantzer Sen. p. m. in publicâ Theriaca
dispensatione. binas omnibus astantibus conspiciendas exhi-
buit vivas hicq. captas. Et cum Vipera morsu ledant, non
nisi a Vipera & quidem famella Rustico ante triennium qua-
tuor fuerunt inflata vulnuscule. Nostrates tamen hanc sub-
stiuendas esse censerem, cum maritima haec sint loca, multo
Sale vitriolato abundantia, unde major exsiccandi facultas,
imò ipsius virulentia augmentum pertimescendum. Quar-
tò; Utrum Veris initio captæ praferendæ? Has non-
nulli praferre malunt, verum, quia tum demum latebris re-
lictus foras in apricum prodeunt, & senium multis fuligini-
bus excrementis intra terra gremium conceptis, referunt
se, potius Aerè & consueto cibo eas aliquandiu recreandas
esse statuo cum Hercule Bonacostio de Theriac.

XI.

Præparatio primùm quædam præmittenda
exigit, deinde ipsam coctionem subministrat.

XII.

Præparatoria præmittenda coctioni in iis
consistunt, ut viperæ captæ ad locum destina-
tum deferantur, extremitates earundem, caput
scil. & cauda debite amputentur, pellis, ut in
anguillis detrahatur, pinguedo, ut & viscera in-
terna, nec non fel ipsum eximantur & remo-
veantur; Caro residua bis terve, ut Aetius, vel
sæpius, ut Haly voluit. aquâ purâ fontanâ nul-
lo adjecto Sale abluatur & depuretur.

Septastarii nonnulli Theriacæ compositionem emulantes vi-
peras captas servant, sec. Math. in quæst. med. p. 124. donec justâ
quantitatem acceperint: modus ille à Senatu Veneto rejicitur, non
tam; quòd dum alieno & inusitato pabulo nutriuntur, proprias na-
turales vires deperdant, ut idem opinatus est, quàm quòd ob dene-
gatum liberum motum & aerem coarctatum plus excrementorum
& veneni colligatur, minusq; aptæ tum reddantur. Hinc cum Avi-
cen. Aginet. lib. 1. de re med. c. 15. ut & aliis. recenter captas vi-
peras sumendas monet Quercet. dogmat. Phar. p. 510. Circa de-
truncationis terminum litigant inter sese Medici; Paucus cum Ma-
rantha respondeo, ad quatuor digitos & non plures caput & cau-
dam amputari debere, idq; si grandiores fuerint, minoribus minus
quoq; auferendum. Errant verò. qui Gal. contradictionem affine-
gunt, & ex l. 11. simpl. med. fac. titul. de Viperis, caput solum non
caudam esse colligunt; nam ibidem loci debitanter potius hæc de re
differuit, ex professo verò lib. de Theriac. ad Pil. c. 9. & 1. de An-
tidot. c. 8. ubi utramq; partem amputandam esset voluit. Vid. Za-
cut. 1. 1. de princ. med. hist. 84 p. 589. Cur verò caro tantum ab
Andromacho fuerit assumpta, non verò aliæ partes, satis ex ante-
cedentibus liquet.

XIII.

Cocctio ipsa peragitur, dum carnes ablutæ & depuratæ aquâ affusâ in vase novo ficti, anetho & Sale adjectis, substrato igne & carbonibus quernis, vel etiam Vitium sarmentis eousq; coquuntur, donec â spinis commodè separari possint.

Cocctio carnis viperinæ dicam scribere eamq; planè inutilem esse affirmare haut erubescit Quereet. Pharm. dogmat. p. 569. ex. istimans, illâ Virtutem carnis primam & substantificam penitus cum jusculo confundi, carnisq; vix dimidiam partem, vel tantillum solummodo restare, & hinc ipsos inde formatos Trochiscos adeò facile putredini esse obnoxios, ut, nisi alterna & frequens illa de uno latere in alterum accideret versio & desiccatio, momentaneam facile incurrerent alterationem & destructionem. Objiciunt alii, vim bezoardicam in carne hospitantem cocctione evanescere & perire. Admiratione me herclè vix caret, quâ de causa antiquitati ita contradicatur, quæ nec ratione nec experientia destituta tale quid attentavit; salutarem & planè admirandum trochiscorum horum ex carne paratorum usum in curandis plurimè morbis tot secula testatur, nec contrarium in medium adferri potest. Et quotusquisq; est, qui non intelligit, alexipharmacum illud in Mumia viperinâ delitescens, ita esse fixum, ut nullâ ustione, aut calcinatione, nedum cocctio-
ne annihilare possit? Nonne Sales Theriacales ex combustis parantur? At quanta Virtutis, quanta efficacis! nonne ex leviter calcinatis Colubris pulvis Bezoardicus animalis conficitur? Adhæc & Coquis notum est virtutem alimentarem cocctio-
ne non perire, sed potius ita preparari, ut caro idoneè cotta à calore nostro actuatâ facilius innatum suum balsamum suppeditare possit, & licet aliquid relinquatur jusculo, potior tamen & fixior pars ipsi remanet carni, quæ & in contusis & expressis vix totaliter elicitur. Quod verò Trochisci facile alterationem incurrere possint, huic in supradictis satisfactum puto. De his, quæ inter coquendum addi solent, ut & de Salis adjectione consulatur Marat. p. 210 211. ut & Tidic. p. 152.

Trochiscorum efformatio sic peragitur: Carnes coctæ & à spinis separatæ, paululum ventilantur, mox in Mortario solido exactè conteruntur & in pulverem rediguntur, tandem cum pane probè cocto & comminuto, adjectâ exiguâ jusculi viperini quantitate, in Trochiscos tenues & parvos rediguntur, sicq; in loco commo- de die sæpiùs vertendi asservantur.

Sunt, qui nil panis adhibent, ut ex Nicol. Mireps. l. 22. c. 4. videre est; Alii contra mentem Gal. & aliorum antiquorum Medicorum azymum admittunt, ut ex Amat. Lust. C. 2 curat. 55. constat. De hoc tamen ut & quantitate panis videatur Tidicæus p. 146. nec non Marant. & alii. Vnicum hic monendum, quòd Trochisci Viperini ex Italia ad Nos delati satis vegeti sint, & commo- de usurpari possint, si enim dextrè asservantur, etiam ultra annum, Gal. teste, in vigore permanent.

Vsus Trochiscorum restat, qui est, quòd primariò omnibus venenis & Serpentum mor- sibus, Viperæq; inprimis efficacissimè adver- sentur, balsamicâq; suâ Virtute non tantùm Na- turæ nostræ robur concilient, sed & eandem in expellendis & curandis morbis cutaneis mul- tum juvent, Secundariò excalescendi, exsic- candi, attenuandi, & valenter digerendi facul- tate polleant.

Hæc omnia ex antedictis constant; Facile ergò hinc quibus colligere poterit, cur ab Andromacho viperinæ carnes ad Theriacæ confectionem selectæ fuerint?





CAPUT SECUNDUM

De

TROCHISCIS HEDYCHROIS.

in genere, & in specie de ASPALATHO
& MARO.

Aphor. 1.

Vifis Trochiscis Viperinis; alterum Trochiscorum genus examini subjiciendum venit; sc. HEDYCHROI, qui sunt compositio odorifera ex variis aromatibus debite præparatis in pastillos siccos formata, ut & Theriacali, & aliis inferviret usibus.

Variis compositum hoc insignitur nominibus. Nam & Pastilli, & Rotula & magma (quod Galen. fecem myrobalani 7. de compos. med. f. g. c. 7. & Plinius 13. N. H. c. 2. fecem unguenti appellavit, à μάστωμα subigor: vel, ut alii censent, à μίγνυμι & μίγνισω misceo, confūdo; hinc μάγμα q. μίγμα mistura, unde unguentum omne seu spissamentum pauco liquore subactum, ut non diffluat, dicitur μάγμα) & Pastæ Hedychroæ dicuntur. Malè tamen, ut vult Delsen. Cronenburg. l. i. de compos. med. p. 20. quidam Trochiscos hocce Halicarotites aut Aridaracarum, barbarè appellarunt. Nec minus ridendus ille à Galeno l. de Antid. c. 10. nota-

rus Medicus Romanus, qui Hedychroon tanquam simplicem herbam quandam à seplasiariis petebat. Dicuntur autem ἡδυχρόον ab ἡδὺς suavis & jucundus & χροῖα s. χροῖα color, quod suavem & gratum exhibeant aspectu colorem, vel etiam, quod ejus legitimum usum grata excipiat sanitas, cum colore corporis florido & jucundo.

II.

Horum consideranda primùm Compositio, deinde Usus: Illa vel in Genere formulam & præparationem; vel in Specie singula ingredientia pensitanda proponit.

III.

Formula consueta hæc est.

*R. Aspalathi, Asari, Mari
Amarac. an. Dr. ij.
Calam, aromatic. Schenanth. Costi.
Phu Pontic. Cinam. Opobals. Xylobals. an.
Folii, Nardi Ind. Cass. Myrrh. Dr. iij.
Croc. an. Dr. vj.
Amomi Dr. xij.
Mastich. Dr. j. Vini Falerni. q. s. Miscæ. F.*

Trochisci.

Veteres Medici diversas horum Trochiscorum proposuere descriptiones, ut ex Gal. l. de Theriac. ad Pison. & l. ad Pamphil. de Usu Theriac. nec non ex Aetio tetrab. 4. ferm. l. c. 89. Palmam tamen obtinuit ea, quæ l. de Antidot. c. 10. describitur, & à nobis exprimitur, nam ab Andromacho continuâ serie ad alios devenisse, & propagatam esse ibidem legimus.

Præparatio talis est. Arida contunduntur & cribrantur, Crocus cum Vino in pilo diligenter dissolvitur. Myrrha deinde & Mastiche adjectis probeq̄ mistis oleo ex nuce myristica irrigantur arida. Viniq̄; ea quantitas affunditur, quæ ad spissamentum efficiendum sufficiat. F. magma: ex quo deinde pastilli efformantur tenues in umbra exsiccandi.

Ita hosce præparari vult Aëtius. l. c. cui & alii subscribunt; vide ulteriorem præparandi rationem apud Bauderon, Pharmacop. l. i. f. 9. p. 193. Quale verò Vinum seligendum sit pluribus differit Silvatic. l. i. de Theriac. p. 84. Dissipiendum v. Utrum insignis in eo committatur error, quod ex speciebus hisce Trochisci efformetur? Ita quidè vult Pansa Tract. de quatuor Antidot. p. 38. idq̄; propterea;

1. quia inanis & superfluus est labor, dū primum formatur Trochisci, mox formati ad Theriacæ usum denuò in pulverem rediguntur.
2. quia repetitâ pulverisatione non parùm virtutis & efficacie perit.
3. quia plurima, quæ Theriacam ingrediuntur, hanc quoq̄ compositionem constituunt, potuisset potius dosis ingredientium illorum augeri.

Verùm sine ratione hanc sibi in Andromachum & alios sumit censuram Pansa, cum non sine causa Trochiscorum efformationem desiderarit Andromachus sc. ut & aliis usibus inservirent s. etiam ad hanc usurpationem ad manus essent. Et quis ille superfluus labor, ubi majus commodum expectandum? Nec quicquam de viribus perit inreperita pulverisatione, ubi hæc debitè instituitur: Et licet dosis nonnullorum potuisset augeri, aliter tamen Andromacho visum fuit: Qua de causa & celeberrimis Medicis Trochisci hætenus in usu fuerunt.

Ingredientia sunt vel Communia vel Propria: Illa sunt, quæ ad Theriacæ quoq; compositionem aliàs concurrunt, & suo tempore consideranda erunt: Hæc sunt septem. Aspalathus, Asarum, Marum, Amaracus, Calamus aromaticus, Xylobalsamus, Mastix.

Quis non infelicem Artis Medicæ rationem detestatur? is enim circa simplicium historiam est dissensus, ut vix unum aut alterum dari possit Theriacale ingrediens, quod non in dubium à plurimis vocatum. Causas puto 1. quòd nimium Theophrasto, Dioscoridi vel Plinio antiquis Vegetabilium Scriptoribus sit tributū, ita ut religio nonnullis esset, vel latū unguem in manifestis contrariis recedere. 2. quòd rarius frequentata navigationes tum materiam ex Indiis petendam iis denegarint. At cur Autoritates veritati præferendæ? nunquam sanè Hippocrates in eo apud Galenum fuit sensu, ut tantum dicenti crederetur, non v. cum ratione quid differenti; hinc & tanti Medici auctoritate postpositâ veritatem amplexus est. Cum v. non uno in loco Dioscorides fateatur se ex relatione aliorum quadam hausisse & annotasse, nec oculis propriis ea usurpasse, quis non erroris eum interdum insimulare posset, imprimis cū navigationes hodiernæ ea, quæ apud Romanos & Græcos rariora erant, jam largiore manu nobis suppeditent. Nec defuerunt Medici, qui Regiones ipsas perlustrarunt, simplicium historiam investigarunt, eandemq; bonâ fide posteritati consecrarunt. Horum itaq; observationes cum Antiquis conferendæ & ad Lydium veritatis lapidem affricandæ, quò repulsis tenebris Lux ipsa affulgeat.

VI.

ASPALATHVS f. Erysisceptrum fructu
tex

tex est lignosus (non furculosus, ut monet Fallop. in l. i. Diosc. c. 20.) multas ferens spinas, gravis, & ubi decorticatus est subrubicundus, aut purpuram referens, densus, odoratus, & in gustu amarescens.

Differt ab hoc ἀσφάλτος, quod bitumē est mari mortuo innatans, quodq; bitumen Judaicū nominatur ἀσπάλτος v. vegetabile quoddam est, & dicitur q. non vulsibilis, quod difficulter evellatur è corpore eorum, qui in eam impeerunt. Delineationem hanc suggerit nobis Dioscorid. l. i. mater. med. c. 9. A quo divortium facit Plinius l. 24. N. H. c. 13. Hic enim radicem esse dicit; Ille v. partis usurpandæ nullam facit mentionem; alii Corticem valunt, ut ex Galeno constat. Quia v. Diosc. optimum dicit esse gravem & rubentem, non nisi ligno hæc accommodari poterunt. Plinius duplicē ejus constituit differentiam; alteram Arborem justæ magnitudinis, alteram fruticem humilimum. Dioscorid. utramq; simpliciter fruticē appellat nullā factā arboris mentione. Ille candido aspalatho suavitatem odoris inenarrabilem tribuit; hic eundem sine odore, & ob id deterius proclamat. Fallop. i. de mat. med. c. 20. in Diosc. tria inde elicit genera. 1. Orientalem aspalathum Plinii 2. Discorid. Subrubrum sub cortice odoratum. 3. in odorum nascentem in Hetruria. Carolus Clusius l. i. Hist. Plantar. p. 105. triplicem similiter describit. Lobelius in adversar. p. 427. scribit, sedulā investigatione recentior usatum, ut tres Lignorum differentie sibi innotuerint; primum fuit densum, solidum & compactum q. cujusdam fruticis imæ parti resectum, ponderosum, colore buxæ, sed saturiore, suavissimo odore & pertinaci sapore, non ita amaro, nec gustu insuavi. Altera species Rhodo missa, rubens cortice demto,

odore adeò fragrante, ut, quàm latè patebat cœnaculum eximia
 imbueret odore. Tertia alba foris, intus corulo sub flavo aut
 citrio santali albi & citrini simillima, albam rosam sapiens,
 nullam gustanti manifestam exhibens qualitatem, nisi tantil-
 lum calidi, quod vix gustû discerni potest. Ex dictis tria ven-
 tilanda occurrunt. 1. An lignum, an v. Radix usurpanda?
 2. An nostrates Pharmacopœi verû lignû possideant?
 3. Quale nã in ejus defectu substitui posset succedaneû?
 Circa primum notat Cornarius in l. i. Diosc. Emblem. 19.
 non lignum, sed radicem in usum trahendam esse 1. quia Pli-
 nius radicis meminit, non ligni, illamq; in unguentis expeti. 2.
 quia Hipp. 2. de morb. mulier. circa finem radicem ni-
 gram cum aliis quibusdam tritam in Vino nigro bibendam ex-
 hibet. 3. quia Galenus exponit $\mu\epsilon\lambda\lambda\alpha\upsilon\alpha\upsilon\epsilon\iota\sigma\alpha\upsilon$ appellari radicem
 aspalathi aromatici. Verû enim verò rationes hæc nil aliud
 evincere videntur, quàm radicem quoq; à Veteribus non negle-
 ctam fuisse. Lignum verò præfertur, quia ponderositas,
 quam Diosc. exigit, meliori jure illi competit, adhæc
 cortex removeri debebat, tandem & plus efficaciam ab illo expe-
 ctandum, ut taceam jam unanimem consensum ferè omnium
 Medicorum clarissimorum. Quod ad alterum, non id carere
 videmus difficultate; fruticem enim dicit Dioscorid. ut &
 Clusius, at nobis objicitur lignum satis ponderosum, & quidem
 Arboris justæ magnitudinis. At sunt nonnulla Fruticum
 genera, quæ non rarò in Arborea eximia magnitudinis abe-
 unt, ut Juniperus, Rhamnus s. spina insectoria, & similia; ad
 quod genus non incommode & Aspalathus referri potest. Hanc
 ergò sine causa Fallopio assentimur, qui verû Aspalathum ex
 Indiis haberi posse, asserit; genuinumq; ejus lignum Venetiis
 adportari, teste Silvatico. Quanto v. in errore versentur ii,
 qui Aspalathum nil aliud, quàm santalum rubrum, aut Lignum
 Rhodi

Rhodi, vel etiam Brasilianum esse volunt, vel sola inspectio & singulorum collatio & examen docere possunt; pluribus tamen de differentia hacce agunt Matthiol. in Diosc. & Silvatic. l. de Theriac. Tertium non frustra queritur; ubi enim vel ob temporis injuriam eo caremus, quod Galeni & patrum nostrorum tempore accidit; vel etiam inodorum, & ob aetatem exiguarum virium ad nos defertur, quis non de succedaneo ejus esset sollicitus? Galenus semen Viticis substituit, ac minus commodè, licet enim hoc, ut habet Matthiol. l. 5. epistol. p. 576. venenatis ferarum ictibus auxilietur, semen tamen pro ligno ineptè substituitur, ut Sect. I. Aphor. 23. notatum est; alii v. vel lignum aloes, vel santalum citrinum, vel cortices radicum Rhamni, vel etiam Lignum Rhodi seligere voluerunt; in quorum ultimo mens acquiescere merito potest, non tantum ob externam cū Aspalatho convenientiam, nã cortice decorticato rubet aliquo modo, suavemq; de se se spargit odorem & aromaticum, sed & internis, quibus prædicitum est, vix cedit virtutibus, ut alibi monstrabitur.

VII.

LOCVS NATALIS Discor. fuit Ister, Nisyros, Syria & Rhodus. Fallopius Pifis in monte nigro & Coe Insula provenire scribit. Clusius quoq; diversa eidem constituit loca.

Clusium genuinum descripsisse Aspalathum, imprimis ad mentem Diosc. dubitari posset. Nam triplici differentie totidem assignat regiones. Primum genus in Cantabria, & variis Hispaniæ ut & Narbonensis Galliæ locis; secundum in Castella veteri; Tertium in Cantabria ad radices Pyrenæorum, quæ Hispaniam spectant, provenire vult. At cum hæc loca Galeno satis fuerint cognita, cur de succedaneo fuit sollicitus?

cicus? cur & Patrum nostrorum memoriã frequentior ejus non fuit usus?

IIIX.

QUALITATES ejus aliã sunt Manifestã, aliã Occultã: Illã ad caliditatem accedunt cum aliqua adstrictione: Hã v. in Alexipharmacã, quã venenis resistit, & Balsamicã aromaticãq; virtute, quã Naturam nostram roborat, consistunt.

Licet Galenus contradicere videatur Dioscoridi, dum hic Aspalathum amarum, ille v. acre & adstringens dixerit: Facile tamen ex Fallopio conciliatio suppeditatur, qui vult; Galenum de eo locutum esse ligno, quod in suis oriebatur regionibus; Dioscoridem v. de præstantiore in Syria nascente; hocq; dicit habuisse procul dubio amaritudinem; illud v. in Græcia & alibi proveniens acridinem odoremq; nullum. Regionum quippe diversitas Temperamentorum variare naturam non insolitum est. Idem Fallop. asserit, solo aspalathi icu Cervas spinã ejus percussas mori, unde & capitibus sagittarum posse adaptari maximo cum Venatorum proventu.

IX.

VSVS ejus primarius est, ut occultis suis facultatibus adversus Venena Naturæ nostræ succurrat, & solum suum ipsis Trochiscis Theriacæ inserviendis conferat; secundariò v. aliis quoq; usibus inserviat.

Nil de eo, quòd adversus venena valeat, Dioscorid: forte quod satis perspecta omnibus suo sæculo fuerit virtus hujus ligni. Generale tamen nobis sit; Omne Aromaticum non tantum

tum
spir
na p
tum
Uri
ni or
tia
var
gar
Sif
te
Ga
&
Ma
Tr
em.
mar
rem
vir
run
fue
Au
sub
na
at
fer
da

eum odore suo grato & fragranti Naturam nostram roborare, spiritusq; vitales & animales recreare; sed & aduersus venena plurimum valere. Id tamen & ex Diosc. constat; Decoctum huius Ligni potum album & sanguinis eductiones sistere, Urinæ difficultatem & inflationem solvere: adhæc collutioni oris subuenire; ad feruida ejus ulcera sananda, ad serpentina item in pudendis locis, & immunditiem, nec non ad Ozænas varium commodè infundi.

X.

MARVM Herba est furculosa flore Origanii, sed odoratiore, foliis candidioribus, vim Sisymbrio similem obtinens, subastringentem, & leniter calefacientem.

Ita Marum depictum legimus apud Dioscor. l. 3. c. 41. Galeni tempore Unguentarius id ipsum incognitum fuit; hinc & subsequenter temporibus dubitatum fuit de ejus veritate. Marcellus Virgilius id Sisymbrium esse dixit; Hieronym. Tragus sylvestrem majoranam. Monard. Sampsuchi specimen. Plurimi cum Matthiol in l. 3. Diosc. c. 42 existimant Marum esse speciem Majoranæ spirantis fortiorem odorem, insignemq; præ se ferentem gustu amaritudinem, quæq; foliis viret minusculis, candidioribus & tenuioribus. Nec defuerunt, qui majoranæ speciebus neglectis de succedaneis solliciti fuerunt, hinc cum Fernelio & Fuchsio Balsamitam, cum Augustanis v. & Colonienfibus folia Dictamni Cretici substituerunt. Verumenimverò licet Marum maximè ad naturam Majoranæ nobilis accedat, & iisdem cum hac polleat viribus, nihilominus tamen non confundendas esse hasce censemur plantas, multo minus peregrinas in ejus locum surrogandas: sed Marum quod ad nos deferretur, & notis à Dioscoride

relictis gaudet retinendum, quod eum alii Thorunienses fabricarunt, & ad Trochiscorum horum confectioem usurparunt, ut Tidic. tr. de Theriac. p. 174. scriptum reliquit. Nec eo caret officina nostra Pantzeriana, similiter ad usum prædictum id ipsum expetens. Quod si tamen defectus aut bonitas ejus succedaneum urgent, sano consilio ad Majoranam tenuifoliam devenire poterimus.

XI.

LOCUM NATALEM designat Dioscor. juxta Magnesium & Tralleis. Plinius l. 12. N. H. c. 24. Ægyptum, Gal. Cretam & Asiam.

Matthiolum l. c. facile se adduci posse tradit, ut existimet, Marum non nasci in Italia: sententiamque ejus adauget Plinius, qui cum Galeno eense herbam hanc esse peregrinam in Italia, & hac de causa inter ea odoramentorum genera collocavit, quæ ab Exteris regionibus in Italiam convehuntur. Tabernæm. l. 2. Herbar. c. 2. varias Mari species enumerans, ex Asia dicit & Ægypto in Italiam quoque deferri, num. v. ibidem proveniat, non meminit. Lobel. in advers. p. 213. Mari Syriaci mentionem facit, quod cum Dioscoridæo maxime conspirare vult, & quoad odorem, & quoad externam faciem, refertque ibidem per decennium plantam hanc odoris fragrantiam retinuisse: & sunt qui nostrum Marum ex peregrinis locis allatum id ipsum esse contendunt. De Maro Corcufiano vide Lobel. l. c.

XII.

QUALITATES ejus manifestæ in calefaciendi & astringendi virtute subsistunt: occultæ v. in alexipharmaca facultate.

Diosc.

Dios. l. c. paucis innuit, Marum leniter calefacere, & adstringere, vimq̄ habere Sisymbrio similem, alii eandem cum Majorana obtinere qualitatē affirmant. Mundererus in Aledario c. 2. multis encomium ejusdem delineat, & inter Cephalica hanc postremum locum obtinere statuit: Venericulo, Fecori, Lienī, Pectori & aliis partibus auxiliari, & c. at quis de occulta ejus dubitabit qualitate, cum inter aromata non infimum occupet subsellium, & spiritibus nostris læto affulgeat odore?

XIII.

USUS ejus est ad depellendos affectus ex frigida causa obortos, ad conciliandum robur internis visceribus, & ad resistendum venenis.

Licet Theriaca primario respiciat affectus venenatos, nihilominus & aliis dicata est morbis, imprimis ex frigidiorē principio generatis; talia itaq̄ experit ingredientia, quæ principalioribus partibus prospicerent, & partim adversus insultus morborum eas munirent, partim à causa morbifica oppressis succurrerent. Utrumq̄ à Maro expectandum. si enim assumatur, s. etiam masticeur, multum valet in Apoplexia, Paralyti, Spasmo, Vertigine, Tetano, sensuum obfuscationibus, nec non aurium Doloribus. Pituitam à Cerebro detrahit, & spiritus animales reficit ac redintegrat. Fecinorosos & Lienosos juvat, obstructions viscerum aperit. Utero medetur frigidiori, Colicæ subvenit, incipientem Tympanitidem prohibet, omniaq̄ longè potentius, quàm Majorana nostra præstat, ut differit Munderer. l. c. Quod si verò Sisymbrium ad scorbutum efficax est, quis de Maro dubitabit illi hanc absimili?

DE ASARO & AMARACO.

Aph. I.

ASARUM f. Nardus sylvestris, est Herba odorata coronaria, folia habens hederæ familia, sed multò minora ac rotundiora, flores inter folia ad radicem purpureos odoratos, in quibus semen vinaceis simile: radices subsunt multæ, geniculatæ, tenues, obliquæ, calefacientes & linguam mordentes.

Dioscorid. l. de Mat. med. c. 9. *hanc nobis reliquit descriptionem: ut ut verò vel mulierculis cognita sit illa ipsa herba, immunis tamen absq̃ dubiis haut esse potuit. Fuerunt enim qui asarum & baccharim, cujus Dioscor. l. 3. c. 43. meminit, unam eandem dixerunt esse plantam: a terrare illos ipsa ^{αυτοψία} satis evincit, vide & Matthiol. comm. in Diosc. l. all. Smetium in miscell. p. 479. Fallop. in l. i. Diosc. c. 13. Lobel. in adv. p. 245. Deinde Plinius à Coronariis herbam hanc excludit & l. 21. c. 6. existimat Asarum vocitari, quoniam in Coronis non addatur: cum quo facit Fallop. l. c. qui ἀσάρων ab α & σάριον vel σάρον dictum putat, quod non possit commisceri aut complicari in Coronis; additq̃ nec Scrapionem, nec Oribasium hujus, tanquam odoratæ & coronariæ, mentionem fecisse; erroremq̃ inde subortum, quod non dissimile sit Bacchari, quæ & ad coronas apta est, simul & odorata & pulcherrima. Verùm quis negare poterit, Asarum odorem spirare, quo plurimi apprimè delectantur, & in pedilaviis quoq̃ expetunt? quòs flores ejus coronis addi posse impossibile*

sibile putat? Smetius l.c. ἀπὸ τῆς ἀρεσῆς, à verrendo derivat, quòd eo antiquitus non verretur; nulla enim exinde scopæ lustrales purgandis Deorum aris fieri solitæ, conficiebantur. Quicquid sit, majoris momēti est id: Utrum Radices an folia ad confectionem horū Trochiscorū locū inveniunt? Prohiscæ pugnat Silvatic. p. 57. & quidem 1. quòd radicibus insit vis purgandi, quæ tamen in Trochiscis non expeditur, 2. quòd Andromachi Carmen radices expressè & in specie non designet. 3. quia folia facilius areferri, & in pulverem redigi possint 4. quia Odor, acrimonia, caliditas & amaritudo, ob quæ radices præferuntur, æquè insint foliis 5. quia dum inter Marum & Majoranam, quorum folia usurpantur, Dioscorid. asarum quoq; recensuit, utiq; ejus quoq; folia probasse visus est. Verum rectius cum Marantha & aliis Radices præferimus, cum plus de aromatica qualitate participant. Nec est, quòd Catharticam ejus vim pertimescamus, quam Fallop. tr. de simpl. facult. c. 45 adeò lenem esse existimat, ut ferè nulla sit. Emetica vis & radic. & foliis competit, & facile ab aliis ingredientibus infringitur. Quòd v. Andromachus radices scripto expresserit, id fortè Carminis ratio persuasit, sed nec foliorum meminit: reliquæ rationes ut nullius sunt ponderis, ita facile dilui possunt. Radices ergò usurpandæ, & tum effodiendæ, cum folia emittere incipiunt, in sole exsiccandæ, nisi recentibus uti velimus; nam si in umbra siccantur, situm celeriter contrahunt & senescunt, præcipuè ex locis riguis; ex maris v. minus id expectandum, sint firmæ, odoratæ, quoad gustum acueissimæ, non obsoletæ.

II.

NATALE SOLUM ei Dioscor. adsignavit Pontum, Phrygiam, Illyricum & Justinam

nam Italiae: optimum provenire dicit Plin. in Ponto. proximum in Phrygia: tertium in Illyrico, sed & in Thracia inventum fuisse scribit.

Indicum hoc dicit esse medicamentum Silvatic. suo tamen tempore etiam in Eugnatii montibus provenisse. Verum nec nostras Regiones eo destitui, notissimum est; nec est, quod quis virtutis ejus praestantiam in dubium vocet, cum non tantum sapor & odor, sed & experientia in plurimis affectibus de eodem hactenus testata fuerint.

III.

QUALITATES manifestae in calid. 2. siccit. 3. gradu collocantur; insignem in super aperiendi, serosos humores pellendi, Urinam ciendi, Hydropicis succurrendi, coxendicum morbis opitulandi facultatem obtinet. Occultae quoque in alexipharmacae virtute consistunt.

Avicenna magis calidam, quam siccam statuit. Fallop. in 4. grad. cal. & sic. At aliud sensus evincit. Hepaticam esse herbam signatura docet, unde ejus frigidioribus affectibus mire opitulatur. Sed & Capiti & Utero, unde nonnullis Vulvago dicitur, prodest.

IV.

VSVS ejus primarius est, ut balsamum nostrum adversus venena muniat, & viscera interna corroboret: Deinde secundario multis aliis affectibus succurrat.

Quantum in febris pellendis Asarum valeat, ex Matthiol. l. c. constat, ita a. ille: In Germania Rustici tertianam

91
nam febrem & Quartanam curant epoco Asari, ex Vino decocto
Melle, maci, cinam. & id genus aromaticibus additis; bibunt n.
hujus decocti calidi cyathum unum, alii quotidie, alii alternis
diebus, itaq; album subducunt. Et quandoq; bilem aut Pitui-
tam vomitionibus reddunt: accedente Paroxyfmo dorſalem
ſpinam & plantas pedum inungunt oleo calido, in quo Aſarum
diu fuerit inſolatum, & deinde in lecto ſe componunt calido: ſic
enim horror minuitur, & ſudor copioſus funditur. Hodie à
clariffimis Medicis non raro drachma dimidia pulveris rad.
Aſari cum Aq. Carduib. propinatur ante Paroxyſmum, unde
precedente Vomitu uberrimus ſubſequitur ſudoris proventus:
Robuſtioribus tamen tantum concedendum. Quantum & hæc
ipſa Planta in Ictero, Hydropè & ſimilibus affectibus valeat
praxis docet. Pulmonum quoq; vtiſſimos corrigit humores, &
ruſſentibus aſthmaticisq; confert, ſi cum melle & Vino deco-
quatur.

V.

AMARACVS ſ. Sampſucum L. Majorana,
Eſt Herba odorata, ramoſa, caulibus tenuibus,
obſequioſis, foliis oblongis incanis piloſisq; cau-
liculos circum quaq; veſtientibus, flores edit in
ſummis caulibus ſpicatos herbace; coloris cõ-
pactili ſquammarum congerie, è quibus minu-
tum oritur ſemen.

Matthioli deſcriptionem retinere placuit: quam enim
Dioſcorid. l. 3. c. 39. in hiſtoria Sampſuci tradit, ea difficul-
tatibus non caret. Licet ibidem ſampſucum Siculis & aliis
Amaracum dici ſcribat, & hinc unam eãdemq; eſſe herbam plu-
rimi colligant, tamem diverſum alii opinantur, diſtinctasq;
proclamant, tum quod Dioſ. eam per Terram ſerpentem, folia
hirsuta

*hirsuta habentem delineet, tùm quòd idem distinctis in locis de
 Amaricino, & sampsucino oleo tractet, tùm quòd Galen. non
 tantùm diverſis capitibus utriusq; historiam notet, sed & gra-
 dibus caloris differre censeat. Ad quæ tamen cum pluribus
 respondeat, & dubia solvat Matthiol. in l. i. Diosc. c. 47.
 eò avidum Lectorem remitto, usq; subscribo, qui Amaracum
 Sampsucum & Majoranam nostram non differre censent. No-
 bilior tamen seligenda erit, quæ fragrantiorẽ præ reliquis
 speciebus obrinet odorem, quæq; per Hyemem inter medias nives
 innoxie nonnunquam vires, & Renodæo. l. i. de mat. med.
 l. 4. c. 30. hyemalis dicitur, diviniore n. hanc ipsam Plan-
 tam Balsamo esse præditam præ alia, quæ frigoris impatiens
 est, & algidioris brumæ ejusdam occurſu perit, quis est qui du-
 bitat? Nomen ineptè à Pœtis derivatur à Puerò Amaraco
 dicto, quem alabastrulum unguinis suavissimi plenum feren-
 tem & lapsum id fregisse præq; luctu intrabuisse, inq; amaracum
 verſum fuisse dicunt. Rectius à particula α, & μαρσαίνω
 derivatio desumitur, quòd immarcescibilis sit, nec per hyemem
 corrumpatur, sed vigorem & virorem suum constantè servet.
 Σάμψυκον dictum volunt παρὰ τὸ σαίνειν τὴν ψυχὴν, quòd ani-
 mum fragrantia suâ demulceat, & recreet. Majoranam verò
 Matthiolus; quòd majore diligentia, quàm reliquæ plantæ, &
 curâ fervetur. Licet v. ab aliis differentie aliæ adferantur,
 in eo tamen merito acquiescimus, quòd viribus inter se non dissi-
 deant, sed quamvis in compositionem assumi possint. Utrum
 v. flores, an semina, an folia in Theriacalem usum trahenda,
 disputent alii, nos folia cum summitatibus florum accipiendâ
 esse cum Silvatico p. 56. asserimus.*

VII.

LOCUS NATALIS Sampſuco à Dio-
 scor. adſignatur in Cypro & Cyriceno, ubi lau-
 datisfi-

datisimum provenit: secundū locum vindicare sibi Ægyptiam, sed nec aliis Regionibus denegatum esse, experientia fidem fecit.

Tenuifolia majorana Hetruscis Persa gentile nominabatur, fortè quòd primitus ex Persia fuerit allata, & postmodum aliis Regionibus communicata. Uberiore jam ejus gaudemus proventu. Non quidem sponte provenit, ut in Ægypto, Cizico & Cypro, sed vel seritur tempore verno: vel etiam postmodum surculi decerpti humo inseruntur: alia tamen quæ Hyemalis est, & in hortis vel etiam in ollis asservata perdurat, diversam obtinet rationem: ut ut viribus & temperamento nil differat.

VIII.

QUALITATES manifestæ in principio caliditatis & siccitatis Tertii gradus consistunt, tenuium est partium ac digerentis facultatis: inter Cephalicas haut postrema est planta, adversus frigidiores ejus affectus militans, sed & Hepaticis & Uterinis morbis medetur. Occultæ v. in alexipharmacâ virtute, quâ scorpionum plagæ succurrit, teste Diosc.

IX.

USUS primarius est, ut Trochiscis admixta Majorana vim contra venena agentem auget: sed & pluribus aliis opem fert morbis, tum capitis tum aliarum partium.

Ut optimum omnium ciborum condimentum est Sampsucus, & in culinis magnam meretur laudem: ita etiam medica-

mentofam suam vim in pellendis morbis strenuè exerit. Dioscorid. vult, decoctum ipsius potum in initio Hydropis, Urinæ difficultate ac torminibus prodesse. Præstat ad omnes frigidos capitis & Nervorum affectus, tam illita quàm pota; valet & ad aurium dolores & sonitus, ubi herba succus fuerit instillatus; vide plura apud Dioscor. l. c. Tabermont. l. 2. Herbar. f. 2. c. 1. Trag. l. 1. de stirp. nat. c. 9. & alios. Què v. singulari antipathia Sui bus ad veretur, & de proverbio inde orto. Quid Amaracus Sui consulatur Tadicæus l. de Theriac. p. 175. Venenis quoq; adversari ex eo colligitur, quòd si cum sale & aceto misceatur & scorpîi plagæ imponatur, auxilio sit. Contra ictus serpentum & araneorum foris adhibita juvat. Nonnulli Aquam ejus destillatam tempore Pestis hauriunt ad sanguinem corrigendum & venenum propellendum; nam contra interanea venena unice facere docet Tadic. l. c.

CAPUT QUARTUM

DE CALAMO AROMATICO & EJUS SUCCEDANEO

Aphor. 1.

CALAMUS AROMATICUS est pars plantæ fistularis frequentibus geniculis prædita, quæ asficulosè in multa segmenta diffringitur, cujus fistula araneis plena, subalbida, in commanducando viscosa, adstringens & subacris.

Tria hic imprimis dispicienda veniunt. 1. Uter noster calamus Officinarum sit Calamus aromaticus veterum? 2. Virum

Utrum Veterum calamus adhuc dum haberi possit? 3. Quodnam in ejus defectu succedaneū eligendum? Quod ad primū. Non desunt sanè, qui nostratis calami patrocinium suscipere, & eundem verum esse calamum asserere audent. Ut taceam Brasavol. Fuchsiū & alios, Janus Cornarius comm. in Diosc. l. i. c. 17. totus in eo est, ut affirmativam tueatur. Nec audiendos illos esse dicit, qui calamum odoratum se nunquam vidisse ajunt, & non calamum, sed radicem, eamq̃ magis albicantem, quàm fulvā seu ruffā pro calamo vulgò vendi dicunt. Nam Radicis, inquit, calami usus est, non v. calami ipsius. Descriptio a. calami odorati, quā ab aliis calamorū generibus, distinguitur partim ad calamū, i. e. arundinē, partim ad ipsius radicē pertinet: quod enim Dioscorides dicit, optimū esse, qui fulvus est, ad radicē referendum est; quod v. frequentibus geniculis præditum ait, & aspiculose in multa segmenta diffringi & fistularum araneis plenam habet, quemadmodum etiam in nostris calamis videmus, id ad calamum referri. Verum enimverò, ut incerto hæc omnia nituntur fundamento; ita rationes in contrarium à Matthiolo allatæ prævalere videntur. Nam

1. Calam. Diosc. propriè dictus est Calamus seu juncus aut arundo, non v. radix, hinc αραυδα nominat, & Plin. arundinem; at noster sub radicis forma visitur.
2. Ille, Planta est exotica in Arabia, India, Syria proveniens, noster v. non peregrinus, sed inquilinus est.
3. Noster non arundinis modo cum cavo s. fistuloso caule, verum absq̃ eo Iridis in modum crescit.
4. In veri calami cavitare s. canna araneum quiddam albicans apparet, ut in omni arundinum genere, quo interna illa cavitatis expletur, in nostro nil tale observatur, sed quid solidi tantum.
5. Ille aspiculose frangitur, ut aliās arundo, nil in nostro tale. Secundū quod Concernit. Matthiol. Com. in l. i. Diosc. c. 17. Vero calamo ævo suo se destitutos esse fieri

non dubitavit. Verum Clusius l. i. Aromat. histor. c. 32. eundem dari, & quidem in Calami forma à Dioscorid. depicta, ipse exhibet, quo & Lugduni Allobrogum in dispensatione Theriaca usi sunt. Smetius similem vidit Anno. 1607. Heidelbergæ in officina Sprengeriana, ut notat in miscellan. p. 794. Tidicæus Medicus Thorunientis eundem se conspexisse, & similiter in Theriac. compositione usurpasse refert l. de Theriac. p. 181. Nec officina Pantzeriana eo aliquando destituebatur; verus erat calamus & genuinis notis à Dioscoride præscriptis insignitus, non tamen in Theriaca compositione accitus, eo quod nil fere aromaticæ virtutis spiraret, plusq. efficacia à nostro expectari posset. Datur ergo revera adhuc dum in rerum Natura, datur & in nonnullis officinis, at non simili & desideratâ semper virtutè. Tertio. Necessarium erit de succedaneo cogitare. Frustra v. vel Agallochum, vel Radicem Rhodiam, vel Angelicam cum aliis proferemus, cum noster calamus ut ut non exterâ formâ, internis tamen qualitatibus aromatico Veterum multum respondeat: nam tota Radix aromatica est, & ob insignes quas obtinet virtutes variis Antidotis admiscetur.

II.

LOCUS NATALIS veri à Dioscoride India constituitur; à Plinio Arabia, India & Syria. Noster verò in Polonia, Tartaria, & Germania, nec non nostra Borussia provenit.

Garzias ab Horto l. c. negat in Arabia aut alibi verum calamum nasci, licet Plutarcho Arabicus, & Celso Alexandrinus indigiretur; Nam ego inquit, ut veritatem elicerem, sciscitatus sum à multis Coracone incolis & Arabibus, qui huc venales equos adducunt, si apud eos nasceretur calamus; Item, an esset eis cognitus, eoz. uterentur. Negarunt omnes

omnes apud se inveniri, nisi ab Indis advectum mercimonii gratiâ; probeq; sibi cognitum, utpote cujus plurimus apud eos esset usus. Non falluntur tamen, qui Arabicum vocant, nam ex India in Arabiam defertur, & inde in alias Regiones: neq; qui Alexandrinum appellant, quoniam hinc Alexandriam, deinde Baruth & Tripoliam Syriæ defertur. Quod a. Manard. l. 8. epist. i. dicit in Pannonia se vidisse adeo recentem, ut non longè petitus videretur, fieri potest, ut fallatur; aut si viderit, satum fortè in sporta aut fictili vidit &c. hætenus ille. Noster v. non nisi in Europa nascitur, & omnibus Arabibus, Turcis, Corasonibus & Indis medicis ignotus est. Polonis dicitur Tatarzkie ziele, quod in Tartaria uberrimus ejus sit proventus, unde ad alias quoq; Regiones deportatur.

III. 0

QUALITATES manifestæ secundum Garziam in secundo caliditatis & siccitatis gradu percipiuntur, lentorem quendam in mandendo & adstringendi vim cum aliquanta acrimonia prodit: occultam suam potestatem aromatico odore manifestat.

Eundem gradum Cal. & sicc. Galen. 7. de simpl. med. fac. ei adsignat. Nostrum v. Calamum s. potius Acorum in tert. gr. cal. & sicc. ponit Gal. 6. simpl. med. fac. ita tamen, ut in sine secundi ille; noster v. in principio tertii constituitur, sicq; exigua differentia animadvertatur; imprimis cum in Regionibus calidioribus & ubi exsiccata sunt radices, calor ipse intendi possit. Noster insuper amaritudinem haut ingratiam obtinet cum acrimonia quadam, & odorem haut injucundum; urinam teste Gal. movet, additq; Dioscorid. ad virulentarum bestiarum morsus facere, cui consentit & Matthiol. l. 5. epistol. p. 577.

U S U S erat veri, notante Diosc. ut potus urinam moveret, & cum graminis aut apii semine coctus in Hydropicis, Renum vitiis, stillicidio Urinæ ruptisq; haustus commodè asumeretur: quin & secundum eundem menses & potu & appositu pellit: ad muliebres infessus decoquitur, & Clysteribus imponitur.

An non verò eadem virtutes, iidemq; usus nostro calamo seu Acoro vero competunt? Decoctum potus urinam cit: additq; Fallop. in Comm. l. 1. Diosc. c. 6. sese expertum esse, multum facere radicem hanc ad lotium & menstrua: uiitur autem cum succo boraginato ad Urinam ciendam, & maximum dicit esse remedium: radicem ipsam coquit in Vino tenui, & hujus ad quatuor cyathos exhibet, infinitosq; lotii oppressionem laborantes sanitati restituit, vide & Tadic. p. 182. Ventriculo insuper debili & laboranti auxiliatricem adfert manum: hinc spiritus extractum, radic. Elect. olea destill. & similia inde parata quotidie fere usurpantur: Crudum in taleolas sectum & cum sale devoratum appetitum excitare, & cruditates digerere vel mulierculæ norunt: sed & Asthmaticis confert, ut pluribus Botanicorum libri de eo agunt. Cum verò & alexipharmacam possideat potentiam, quis eam frustra ad Theriacæ compositionem diceret concurrere?

CAPUT

CAPUT QUINTUM
 DE XYLOBALSAMO ET
 EJUS SUCCEDANEO. MASTI-
 CHE. ET USU TROCHI-
 SCORUM.

Aph. 1.

XYLOBALSAMUM est portio lignea
 Arboris Opopobalsamum fundentis, candicans,
 saporis & odoris alterius ligni inutilis instar,
 expers; ut vult Bellonius.

*Qualis Arbor hæc benedicta Balsamum miræ efficaciam
 fundens, fuerit? An Judæam primam patriam agnoscat?
 An hodierna quoque die adhuc dum reperiatur, & quid loco Xy-
 lobalsami substituendum? disquisitione sanè digna sunt:
 I. Aliam descriptionem exhibet Dioscor. l. i. c. 18. alii aliam:
 Doring. tr. de Opopobals. hanc ex fide dignis Scriptoribus
 collegit, nobisq; reliquit. Quod sit arbuscula viticosa altitu-
 dine Ligustri foliis paucissimis Rutæ proximis, colore viridi
 subalbido, perpetuoque virentibus; cujus ramuli longi, recti,
 graciles, gummosi, digitis post contrectationem tenaciter ad-
 herentes: flores albi, exigui, summè odorati, quorum tamen
 odor pusillo tempore durat; semina flava folliculis nigris sub-
 rubescentibus inclusa, intus humore flavo gravida, odoris exi-
 mii, Carpobalsamum dicunt. Lignum candicat, saporis & odo-
 ris expers, &c. II. De Patria ejus alii aliã fovent sententiam.
 Doring. l. c. totus in eo est, ut probeat Arabiam felicem ab
 omni ævo, & quidem primitus hancce possedisse arborem, Regi-
 namque Sabæam exinde Balsami Plantam Regi Salomoni dono
 primum*

primum attulisse, hincq; reliquas deinceps propagatas, ita ut
 & ferax regio hæc postmodum balsamo exhibendo exciterit.
 adfero insuper auctoritatem Josephi l. 8. Antiquit. Judaic.
 c. 2. idem affirmantis. Verumenimverò huic vix ad stipu-
 lari potero sententiæ; non tantum quod Dioscorid. & alii ve-
 terum Arborem hanc in Judæa tantum nasci voluerunt, & in
 Ægypto quo procul dubio ex Judæa allata fuit; sed historia
 Patriarchæ Jacobi in primis probat, suo jam tēpore Palestinā
 eā possedisse, inter alia enim munera ad Regem Pharaonem per
 filios transmissa Balsami quoq; fit mentio, non ex Arabia com-
 parati, sed ibidem loci provenientis. Genes. 43. v. II. Joseph.
 l. 2. Judaicar. Antiq. c. 2. Deinde nec in tanta copia un-
 quam Arabia ministravit balsamum, quantam Judæa, ut
 ex sacris constat: Hierochustinam enim regionem eo abundasse
 testis est Josephus aliquot in locis: perperamq; ipsius auctoritas
 allegatur, nec enim ex propria sententiâ, sed aliorum potius id
 differit, inquiens. Existimant nonnulli, Balsamum hodiè apud
 nos proveniens per Reginam hanc eò pervenisse. Deniq; & ster-
 rilitas Arabiæ contrarium evincere videtur, cum enim are-
 nosa sit, & arbores ibidem consitæ parum Balsami fundent, ita
 ut jam vix septem libræ quotannis inde colligi possint; præstan-
 tior v. & fertilior regio prædicta Judæorum fuerit, & major
 balsami proventus, utiq; hanc Veram patriam, alias v. Regio-
 nes adsciticiam, dicemus. Ægyptum v. nonnunquam posse-
 disse haut inficiamur, cum Pharaones universam Judæam non
 semel armis impugnarint, & inter alia huncce quoq; Theaurū
 secū transportarint. III. Utrū v. hodiè adhuc Arbor Bal-
 sami habeatur non omnibus eadē sedet mens. Matthiol. l. c.
 in Dioscorid. probatissimorum virorum, qui ex Italia sol-
 ventes pluries in Ægyptum navigarunt testimoniis confirmat
 Memphi Balsami viridarium extare. Quod v. Petrus
 Mar-

Martyr Mediolanenſ. l. 3. Legation ſuæ Babylon. quam
 ex Hiſpania Ann. 1501. miſſus obiit, refert, ſe totum Baſame-
 tum quod ab urbe Aegypti Cairo decem miliaribus aberat, pe-
 nitus inieriſſe & deſertum vidiffe, ita, ut nullum arbuſtorum
 Baſami extaret jam tùm amplius Veſtigium, id nullam con-
 trarietatem indicat; nam non omni tempore Baſamecum illud
 a què floruit. Nam ex Proſpero Alpino colligitur Ann. 1575.
 ſimiliter omnes Plantas Baſf. in viridario Aegyptiaco exaru-
 iſſe, & licet à Præfecto ibidem loci è Meccha quadraginta
 Planta ruruſus eò tranſplantata fuerint & inſerta, paucis ta-
 men annis Curatorum negligentia viciffim perière. Quidni & id
 Martyris tempore contingere potuit? Pluribus v. Proſp. Alp.
 tr. ſuo de Baſam. demonſtrat in Arabia felicis Civitate pri-
 maria Meccha dicta, cui Arabs quidam Princeps, Seriph
 dictus imperat, arbores haſce coli, unde hic ipſe Turcarum Im-
 peratori gratitudinis ergo propter munera oblata, ſingulis an-
 nis inter alia remittit Opobalſami tres quatuorve libras. Plan-
 tam hanc vivam aluit quoq; ipſe Alpinus, pluribusq; eandem
 viſendâ, & Opobalſamum ex foliorum aliſ diſſectis ſtillans ex-
 hibuiſſe. Tandè de Xylobalſamo notandû, Ramulos Baſa-
 mi ſaporis non nihil adſtringentis, pinguis & aromatici hoc no-
 mine apud Pharmacopæos venire; Quia v. Arbor. Baſf. tan-
 tùm in Arabia jam provenit, & quidem haut copioſè, adhæc
 ſtudioſè ob Opobalſamum educatur & aſſervetur, qui quaſi
 in tanta copia Lignum ſ. ramuli expectandi, ut per univerſum
 ferè Orbem Pharmacopolia iis abundant. Sed & color, odor
 ſapor oblati & ficti Ligni fucum ſatis loquuntur. De quo ſic
 Smetius l. miſcell. 19. p. 500. Lignum quoddam obtrudunt
 nobis Officinæ pro Xylobalſamo, quod licet ſit tenui ſarmento
 & aliquatenus fulvum, tamen odoratum non eſt, nec recens, nec
 quicquam Opobalſami ſpirat, nec $\pi\upsilon\epsilon\gamma\delta\upsilon\nu$, aut ut Plinius bu-
 xofum eſt colore, ſed potius fuſcum, vel ex nigro rubeſcit, ſapo-
 re aliquid aromatici, ſed valdè obſcurè oſtentat. Fallop. l. i. in
 Dioſc.

Dioſc. c. 17. & Silvat. p. 64. in re tanti momenti certi quid-
 piam afferere haut licere ullum exiſtimant, tutiusq; conſene
 ſubſtituto uti, quam periculi plenam novitatem ſtatim adgre-
 di. Proinde ad ſuccedaneum ipſum diſcurſus dirigendus; aliis
 circa Balsamum adhuc explicandis in Hiftoriam Opobalsami
 reſervatis.

II.

SUCCEDANEUM ſit XTLOALOE
 vel etiam LIGNUM JUNIPERNUM, cum ad facultatem
 Xylobalsami proximè accedant.

*Variant tùm Veteres, tum Neoterici in ſuccedaneo; illi,
 ut ex libro de ſubſtitutis Galeno adſcripto videre eſt, Leucioj
 radicem, vel Lignum hederæ nec qualitatibus nec virtute Xy-
 lobalſo reſpondens; hi, vel lignum è Terebintho, vel è Lentiſcò,
 vel Caryophyllorum, vel Cyperum, vel Zedoariam præferunt.
 Et ſi lignum Terebinth. vel Caryoph. ſemper haberi poſſet ge-
 nuinum, nullatenus reprobandum eſſet ob balsamicam, quam
 utrumq; poſſidet virtutem. Placuit tamen pluribus Lignum
 aloes ſubſtituere. Anton. Alaymus. lib. de ſuccedan. p. 342.
 Cortic. rad. lauri ſubſtituendos cenſet, cùm & qualitat. & vir-
 tute occulta reſpondeat Xylobalſo Utrum v. & Juniperinum Li-
 gnum locum mereatur, diſpiciemus.*

III.

XTLOALOE, eſt portio lignea Arboris Indicæ
 inſtar oleæ naſcentis cortice craſſo, cujus lignum o-
 leoſum quidem & pingue: recens diſſectū nulla odo-
 ris fragrantia commendatur; ſed ubi exaruit, odoratū
 evadit: Imò fragrantia ne tum quidem per univerſam
 ligni materiam diſfunditur, ſed in ipſo arboris medi-
 tullio, quod Cor vel matricem vocant, coacervatur.
 JUNIPERUS eſt frutex lignoſus, ſpinofus, ramoſus
 mediocris arboris magnitudinē ſæpius æquās, cortice
 mēbranoſo, odoros, baccas ferēs primo virides, & per
 maturitatem nigras, cujus lignum flaveſcit, & ſuavem
 de ſeſe fundit odorem

Illius

Illius descriptio est apud Smet. l. 9. miscellan. c. 21^r hujus apud Renodæum l. 1. f. 6. c. 31. Hæc arbor ut satis perspecta & cognita nostratibus, ita nonnulla circa lignum aloes dubia occurrunt. Nam disputat Smecius & quinque argumentis evincit, lignum aloes non esse Agallochum Dioscorid. 1. quia Thuiæ ligno dissimile apparet (at simile eidem esse voluit Diosc.) huius enim materies incorrupta perdurat teste Theophrasto l. 5. c. 5. at Xyloaloe sæpissimè cariosum conspicitur, quin & rarum est, leve, non densum, compactum, solidum, grave. 2. Agalloch. Diosc. gustu adstringit cum aliquanta amaritudine, præcellentem autem adstringendi facultate: hinc sudores arceat corpori inspersum, & Dysentericis prodest, que ab astringentia virtute dependent; In ligno aloes contra amaritudo adstrictionem evidenter superat; imò vis styptica nulla notabilis adest; neq; acrimoniam prorsus caret. 3. Agallochum Diosc. cute verius quàm cortice vestitur: at lignum aloes ut habet Garz. l. c. 1. 16. non cute sed cortice, ut reliqua ligna, vestitur, & quidem crasso. 4. Agalloch. pro thure ad suffimenta antiquitus substituebatur, tanquam thure vilius, aut parilis pretii. Lignum a. aloes adeo carum est, ut potius thus pro ligno aloes substitui debeat. Nam thuris electi 100. libr. uno aureo apud Indos emi possunt, quamvis ex Arabia subvehi debeat. Lignum. v. aloes apud Indos aureis tribus, quamvis illic natum, in singulas libras venit. 5. In agall. radix ligno præfertur, & potissimum in usu erat, ligni aloes nulla adfertur, nec commendatur radix. Contrarium quidem hætenus usus obrinuit, ut sc. agallochum Diosc. pro Xyloaloe venditaretur; cum v. hæ rationes ex Garz. potissimum desumte non de nihilo sint, cuius suum relinquimus iudicium. De Xyloaloe tamè ligno nobis noto disseremus.

IV.

LOCUS NATALIS Ligni Aloes censetur India, inde in Arabiam & alias regiones transportatur. Juniperus in multis regionibus satis frequens est, ita

ut alicubi totas sylvas efficiat, in quibus merulæ & Turdi gratisimo sibi cibo Juniperi baccis vescuntur.

Lusitani per Meridiem in orientem cursum navigationis instituentes testantur Lignum hoc in Insula Taprobana aliisque continibus locis nasci, cujus integros Truncos in Lusitan. & Hispan. ijdem secum attulere, qui non modo incensi, sed manuum tantum attritu suaviter redolent referente Matthiolo. Optimum, referente Garzia in Malaca & Sumatra, unde Chineses auferunt, provenit: & quidem in iis promontoriis, in quibus Tigres & ferocissimæ belluæ victitant & commorantur, unde non nisi summo cum periculo arbor gradiuscula cædi potest, aut junior avelli & sine discrimine vitæ transportari, ut tradit Renod. l. i. de mat. med. f. 3. c. 21. Fabulosum itaque est quod 1. à nullis asseritur, tantum in Paradiso terrestri hanc arborem provenire, & fluminibus truncos, fragmenta aut ramenta ejus rapi & in Indiam deferri. 2. quod lignum ipsum in odorem sit, sed integro anno dissectum sepeliatur, ut ita terrâ obrutum marcescat cortex, lignumque tantum purum remaneat, adeo ut è ligno nihil erodatur, ut vult Serapio & ex hoc Fuchf. l. de Antidot. section. Ut enim primum non indiget aliqua refutatione, cum Paradisus jam nullus extet: ita secundum ex eo rejicitur, quod ipsum lignum in se & suâ naturâ sit odorum. Varia quidem sunt lignorum odoratorum genera, quæ & nomine Ligni Aloes veniunt, at illegitima sunt, aut sylvestres quedam arbores teste Garz. l. i. aromat. c. 16.

QUALITATES in secundo gradu possidet calidas & siccas, & optimum est, quod multum nigricat, cinereis discurrentibus venis, ponderosum, plurimo humore pingui prægnans: Caput & Cor mirificè corroborat. Venenisque adversatur: Juniperus v. vix uno superat gradu cal. & sicc. Pectori. & Cordi nec non Capiti plurimum auxiliatur; Urinas movet, suffitu bestias venenatas fugat &c.

Xylo-

Xylobalsami virtutes & qualic. ab Avicenn. l. 2. tract. 2. recensentur, quod in secundo gradu sit. Calid. & siccū; secundum Dioscor. & Avic. prodest dolori laterum, pectoris affectionibus, Pleuritidi sc. asthmatis & aliis à causa frigida provenienti. ut & trusientibus. Viscera omnia frigidā intemperie obfessa, roborat, digestionē adjuvat, Hepar confortat, Cachexiam curat, Urinā provocat Nephritidem pellit, Lapides Renum infrangit, & abigit, matricis dolores lenit, menstrua alba & alia Uteri humiditates exsiccat, Venenis resistit, Venenoso morsui Viperino confert, nec non scorpionum Venenum præsertim fugat, pannos tandem oculorum exterit. Hisce nullum omnium Simplicium ita exactè respondet, quàm Lignum Juniperinum s. etiam radices Ligni ejusdem: In manifestis ei respondet, licet bacca ad tertiam accedant classem, Pectori, Cordi nec non Capiti plurimum auxiliatur, Urinas movet, calculum pellit, suffitu bestias venenatas fugat, Pestilenti aere resistit & venenatorum animalium morsibus confert.

VI.

USUS utriusq; ut in multorum morborum curatione multum valet, ita in primis Trochiscis hoc vel illud ad sociatur, ut vires alexipharmacæ augeantur, & suavis inde affulgeat odor.

Utrum Lignum Juniper non præferri possit cuius deliberandū propono ob sequentes Rationes 1. Rariores sunt illa arbores Xyloaloes 2. nec semper ad nos deferuntur 3. magno pretio lignum emitur 4. facile illegitimum substitui potest, 5. nec majores nostro Juniperino obtinet virtutes: cujus & uberior proventus, semper ad manus esse potest, vili pretio comparatur, nec adulterium obtinet, & tempore pestis magnum adversus contagium & virus pestilentielle est auxilium, unde & suffumigia varia parantur, ut ex Medicorum scriptis constat, & alibi pluribus id exponetur?

VII.

MASTIX est Gummi resina ex Arboris Lentisci truncis vulneratis fluens, & in terra circa pavita concrefcens.

Quemadmodum Gummi speciali nomine is Liquor concretus à Galeno indigitatur, qui aquis promptè diluitur; & Resina, quæ Oleis & pinguibus: ita, quæ de utroq; participant, & tam aqueis, quàm oleaginosis dilui patiuntur, non incommode Gummi-Resinæ vocantur, quo Mastiche, Camphora, Styrax & similia referuntur, censente Renod. l. i. f. 9. c. i. Arbor ipsa dicitur Gr. *ῥῖνος* Lentiscus, resina. *ῥητίνη* *ῥητίνη* *ἢ* *μαστῖχ.* Diosc. l. i. mat. med. c. 72. arborem dicit esse notam, at non ita Germanis: Delineationem vide in primis apud Clusium. l. i. rarior. plantar. c. 10. Tabernæm. l. 3. c. 60. & alios.

VIII.

LOCUM NATALEM in primis agnoscit Insulam Chium: nec enim Lentiscus alibi proveniens laudabilem fundit resinam.

Arbores ipsas per Lusitaniam, Boeticam, ut & in regno Valentiano & Gallia Narbonensi copiosè provenire scribit Clusius l. c. nec Italiam illis destitui vult Tabernæmont, Optima tamen est Mastix, quam Insula Chio subministrat; narratq; Bellonius l. 2. observ. c. 8. copiosissimum in illa insula esse Lentisci Mastichem fundentis proventum; primariasq; Insularum opes & fortunas in ejusdem collectione consistere; additq; non minore impensa & diligentia Lentiscum ibidè excoli, quàm in Gallia vites; Omnemq; collectam summam Reip. deberi. Quod v. Vindemii tempore in propriis agris legitur, id totum absq; dolo in commune conferri, abscissaq; manu pœnas dare eum, qui Mastichem producentem Lentiscum in proprio vel alieno agro excider. Ægyptiacæ quidem Galen. 2. ad Glaucon. mentione facit, at subalbida est & feculenta & exiguarum virtutum; rara quoq; exiguaq; quæritate est, quæ in Hispania & Gallia provenit, ita ut de ea colligenda homines vix curam aliquam suscipiant notante Amato enarr. 18 in Diosc. IX.

QUALITATE suâ ad secundum Calidit. & siccit. gradum accedit, simul & adstringendi conglutinandiq;

nandiq; vi pollet Ventriculo maximè grata; quin & aromaticà balsamicaq; suà virtute excellit.

Avicenn. l. 2. tr. 2. c. 461. *hiscè facultatem Mastichis exprimit. Mastix subtilior est & magis juvans, quàm Olibanum: confert propter illud quod in Mastiche est de stipicitate & lenificatione apostematibus viscerum: confert & Tussi, & spūto sanguinis: confortat stomachum & Hepar, & aperit appetitum, & stomachum efficit bonum, & movet eructationem, & liquefacit phlegma ejus, & confert apostematibus Stomachi & Epatis statim &c. Queritur v. quī secundū Diosc. & alios stomacho auxilietur, cūm ructū moveat: alii expūgendū censēt illud (Ructum movet,) hinc & Dodonaus in catalogo virtutum mastiches, ructus non meminit. Verum rectius Strobelberg. tr. de Mastich. p. 59. eatenus ructum s. eructationem promoverè asserit, quatenus vitiosam in Ventriculo materiam invadit, & flatu inde proveniētes expellit: ructus a. ut ut sit ex mala cāusa, bonum tamen signum est roboris sc. Ventriculi; hinc Serapio, si stomachus repletur vērō sitate, nec fiat eructatio, dēcur unde eructatio perficitur.*

X.

USU suo primario visceribus quidem internis balsamicā virtute prospicit, sed & aliis morborum generibus medetur, ut non sine causa inter Theriacalia simplicia locum inveniat.


Saluberrimum mebercle est medicamentum. & eximium Medico usum præstat: sanguinem è naribus manantem, si cum Thure, sanguine draconis, farin. volat. & leporinis pilis combustis albumineq; ovi misceatur, sistit, quod in iis casibus, ubi vix alia locum habebant remedia, non semel expertus sum: & vel fronti applicatur fascia superpositā, quæ arctè constringat, vel etiam nasalialia inde parantur: ad dentium dolores, & ad Pituitam à capite trahendam confert, si cum Cera odorata misceatur & masticeatur. Ad ventriculi dolores usurpatur, si ituro cubitum tria quatuorve grana deglu-

deglucienda porrigatur. Balsamica ejus virtus in sanandis ulceribus Ventriculi & Intestinorum vix deprecari potest quæ admodum observationes nostræ medico Practicæ id aliquando uberius demonstrabunt. Plura de ejus virtute vide apud Strobelberger. l. c. Unicum tamen ex Mesue notandum. Mastichē ferè omnium Catharticoꝝ esse cõdimētū, quò effera eorū vis ac virulentia cicurari potest, ut sine illa præscripta Purgatio insulsi cibi, inconditiq; ferculi representet imaginem, sitq; omnis Purgantium propinatio suspecta, & humanæ naturæ invida, cui mastiches benignitas & clementia non accesserit, adnotante Strobelb. p. 84. Hinc vix dantur pilulæ eâ destitutæ; ingreditur Syrupos, Electuaria, species aromatic. Trochisc. Antidot. Vngu. Empl. Cerata & similia, unde insignes ejus virtutes facile quivis colligere potest. Acribus quoq; medicamentis, qualia non pauca in Theriaca habentur, freni instar esse posse & lentore suo Emplastico eadem demulcere vult Tidic. l. c. p. 216.

XI.

Compositionem excipit U S U S Trochiscorum, qui in eo consistit, ut non tantum excalesciendo, exsiccando, valenter attenuando, visceraq; roborando inferviant, sed & Cor firmando & Venenis resistendo Theriacæ fidelem præstent operam.

Dioscorid. l. 1. de mat. med. c. 57. eandem dicit vim habere cum Vnguento Amaracino, Galenus 4. de loc. aff. c. 8. meminit se in Pulmone exulcerato & putrefacto, inter alia Hedychroum interdum naribus jugiter adhibuisse, quo æger resciceretur. & l. 3. de composit. medicam. f. l. p. 298. In diuina quopiam, qui odoratum Pharmacum sibi adhiberi exoptabat in Oxenæ curatione Hedychroi usum excogitavit, ipsumq; Vno falerno veteri dissolvit, & mirum quàm brevi affectio ipsa sic curata. Nostro v. tempore ad Theriacæ tantum hi Trochisci expectantur compositionem, & vix in alium trahuntur usum.





863

P.P.

IX.18



863 545 Bibliotheca 26.000,⁵
P.P. Camaldulensium in Bielany

Depozyt w Bibliotece Jagiellońskiej



06947

